



百一偶存集卷之十六

開支姪孫 嵩峻及較

真

山嶧傭氏著

姪

大麟玉書

姪孫

文昇曉蒼全編
明倫敬五

雜著二

八十却親友賀壽

甲辰十月

山漫浪餘生行年倍四十自顧形影輒惡逃無地茲
澳忍言旋賤度將屆尋在親知方將弔恤弗遑若復
徇以世情是猶欲類其面不覺剝之皮也謹佈瀝悃

誠不惟儀禮不敢當卽三揖降亦不敢當不惟同
支盃酒之顧問必不受卽子婦孫甥之拜祝亦必不
受庶友離朽耄相安靜息不迫逐于無何有之鄉荷
拜嘉惠殊勝引年萬萬矣

曾五儀像贊

公曾姓琮名宗玉字一字五儀臨川人刺史伯達
公之孟子也爲人沉毅果斷有經濟才語雖艾艾
而胸有成竹素席豐厚無聲色犬馬之好無傲謹
殘薄之習識者無不以大器聽之先是從刺史公
寓延陳司李一見卽館之甥旋受學使者知遊庠
序未幾歸臨登太學歷南北闈不第及出其才小
試劍津其然官山之妙用亡何刺史公受誣抱病
隨杖至都不逾日

以事自倘天假年其於國家之

一傳不集卷之十六
左右何如也年四十有三客延而卒時康熙己卯
臘後一日也贊曰

我與曾子叙言骨骨縱極忠告亦不我辱胡然長別
像遺彷彿邇乃望之穆然進之兀然久之而魂銷者
忽然是耶非耶呼之不出乎出

黃亦遠暨潘太君合像贊

東萊有榆梓白光芒西池有桃奕葉芬芳御以潘輿
匹之黃裳太翁太母發天地房翁抱奇英述琰紹瓊
童子軍中赤幟柳營好學如顏契我覬堂詎意年華
僅逾四霜母德幽貞父岳兄京課讀宜家艱難未亡
支繁天姥富埒淮清百年開袞言歸帝鄉帝鄉廣漠
流雲若灑中道相遇肉芝瓊漿翁憐母苦比及家常
季子有兒死孝格蒼孔釋抱送篤生名邦我未覲止
凡念弗忘母謂翁行維以永傷夫亡子殉含悲且嗆

荷麻下界我心則降所念伊何請問其詳翁曰我親
淚零而母哀惻一經顧慕抱恨九京梓材曷良蘭茁
奚香數間百畝不受螿蝗中間喪亂能避豺狼母曰
翁姑薦馨寡母家迎大事克當爰卜佳城兒並宮墻
孫曾成行甫田越阡廣屢連坊喪亂之遭賴爾三郎
語罷相顧極樂無量霞旌列仗鸞笙鼓簧居青城裏
近玉樓旁於戲敬止人天一堂事同漫漢理不荒唐
請觀皇矣帝謂文王願言孝思與日舒長

家叔君汲贊

有小傳

叔父諱用薦字君汲明文學金粟公子也生而慧
敏方學語時金粟誨之字句卽口誦不怠五歲而
金粟棄世貧不能自立隨母舅學藝藝少暇則從
事經史人樂其直方凡趨其藝者如歸市三十後
置室創居歸于鄉鄉之人無不愛且敬焉乙卯丙
辰外寇平而內侮甚于賊本支紳士先後卒于此
一二年中者八九人惟惠生叔父卒無出以向所
居之甥館本支已出值而爲祠矣從賊者假之以

餘威大力者加之以封條賴叔調和而寢廟安矣
又本都沿坪祖妣梅所塋之山我高祖介石公祖
母也幾二百年居民罔敢樵採忽因喪亂老成俱
亾乃有姻亞假一抔而肆佔賴叔指示而得安其
窀穸焉此二事固仁孝之本源也而種種可無論

矣

贊曰

文學家郎既慧且良夫天不慙父也云亾五齡靡瞻
學藝渭陽藝成而歸咸愛直方有室有居光我梓桑

喪亂既平祠墓受傷有爲有謀祭埽咸康其他善行

附證謚堂

附像贊

謚堂先生作

嗟君失怙五齡時孤苦辛艱乃闢基未了箕裘曾

有恨欲芳蘭樹竟無知

生有次子振禧字士章少穎異從謚堂先生推爲首

座謂其粹然有近道之致

乃不幸年二十四而卒少攻絕藝心殊古老好

陳編興不疲前夕通宵猶秉燭百年賫志此畱遺

家仲氏應昌孝友贊

有小傳

仲氏應昌諱振應予八世兄弟也應昌有兄弟二人爲貧外出母老且病時值閩寇踞我里應昌負老母而藏匿於深山無如母病日臻山中無醫人應昌出而謀於里忽遇有道者相問曰孺子何之應昌告之故曰此病何難治應昌喜而延諸室與一方飲之愈洎而訪求報謝人莫知其蹤寇平合而饜者四世屈計食指五百有餘終其身無間焉噫吾族自遺安遷里以來十有五世從未有四世

家而無諄語者而吾弟之家緝緝若此真得未曾有也可不傳歟贊曰

張之九世也蔽之曰忍鄭之十一世也蔽之曰不聽

婦人言予觀仲氏之家所難者其爲婦亦賢矣哉豕

婦不惜力衆婦不惰功

豕婦瞿視衆如一身凡事不知倦衆婦因其賢而共儆

之故相率而趨事無言也

雖幼子童孫亦雍雍然至若母病而遇

異人孝行之至其應如響天必介之以昌大豈容畸

說哉卽今次孫學半已蜚聲庠序而長君相文日益

有名安得以田野耕夫而却郡公之表章耶

家傳內有郡公

任欲賜匾表揚予弟予雖老拭目以俟章既

以田野耕夫却之

銷籍明今太... 異人舉... 文... 賦木...

賦木... 賦木...

賦木... 賦木...

賦木... 賦木...

賦木... 賦木...

賦木... 賦木...

賦木... 賦木...

家伯氏玉生孝行贊 有小傳

伯氏諱振奇字玉生季甫公次子也少長於予剛

十一月年十二父卒有母老而病巫醫治不起五夜

焚香請以身代遇異人授之藥痊歷遊湖湘湖湘

人愛之若兄弟故每行必實歸凡母所需者必備

載以奉母焉至某年月歸聞鄰婦哭聲詢之母母

曰是某人婦也甘貧而善紡績為債逼粥之償伯

氏曰男貸償可乎母曰允若此予雖蔬食飲水亦

樂也伯氏遂解囊如數歸之又量其不足者值之

樂也伯氏遂解囊如數歸之又量其不足者值之

歲或饑且寒猶周恤之仁孝若此當今之世有幾
人哉贊曰
至哉純孝湛湛淵泉流而不息盈科沛然有母不豫
焚香告天問醫恟恍猝遇太玄授之以方隨飲而痊
從此推暨何缺不圓有夫此儔將欲易絃兄也哀之
解囊周全其後不給歲歲年年仁孝若此何忍弗傳
惟後之人永世弗諼

家文英妻余氏節孝贊 有小傳

家姪文英之婦余邑庠子傑之姊副貢桂萼從姪
婦也英幼習舉子業每小試輒奪前茅忽抱病而
歿且日臻余旦夕事湯藥夜分焚香告天請以身代
歿不其延而英短命卒余年方二十有四家無餘產
拊膺長慟曰君死矣我當殉其所以不死者仰有
誰姑俯有二子且長叔孀相繼卒又遺一子皆未亡
寡人職也晨夕隨姑側以十指爲農夫厥後姑之養
葬撫二孤與叔之子教養成成人而俱畢其婚娶迄

今六十有七矣而採風者無聞焉可歎也夫贊曰
宛彼彩鳳靈鳥中殤凡百羽族賻自賙黃峩峩阿閣
指顧表揚富哉傳乎咸燕樂而鼓笙簧有鳥者烏在
河之西哺母鞠雛哀哀夜啼翱翔啄食濺血沾泥傷
哉貧也相顧惜而誰與題予故拂素毫端奏紙咨嗟
太息以俟秉政乘軒之君子

鄧翁像贊

未登乎堂未炙其光儼然臨之而葆而皇噫萬石翁
太邱公千秋百世頌猶龍發潛德兮寶樹振喬木兮
珠風予得從黃華嶺上而竊蔭乎萊公之柏清獻之

松

某太夫人像贊

余至甌西竊瞻懿度而翟而珈金徽玉矩藹若雲慈
肇平星瑞謂東國陶謂康國杜余初無以測之乃伏

而思起而嘆正襟而作禮曰噫匪寶妾之姨乃吾君
之母

崇邑饒仕母圖贊

謂曰北萱大士方冉冉而臨諸謂曰西池則含飴且
兩兩而授書孩花載舞婦靜似愉吾不知爲誰氏之
母其緯天之發臨嗣穆穆之瓊宇者乎

今異表甥像贊

元長家弟小影贊

弟一室太和廬予四海繁憂舍娉修戶庭近王霸浪
跡風塵類牛馬各具真圖何須貌寫寫之得其似道
子虎頭都榻模耳賞之待其人良止坎行是爾我身

劉英士贊

孝者福基靜者壽期何我英士理數相違五月背父
三年離母一自成人克家幹蠱越厥承祧祇事晨宵
于焉窳窳松草天喬里閭黨族交親無拂飲人以和

出言則訥敦本惟賢斂華可仙胡乃奄忽強仕之年
吁嗟機設循環節候天不可違人焉能透然而太極
實縮其樞相而子孫式廓其間寸毫尺紙千秋百世
子行可傳予言無愧

彬士老姪小影贊
在昔七松媿之五柳夫曷孤拳印須勝友勝友伊何
席蘿科首一卷奇書光燄射斗雲影濤聲來迴奔奏
小侯亦佳仙身在手綴景無他摹神孔透亦若有言

彌天塵垢黛色素心惟君與某豈是深山于焉耐久
如遇培風負之亦走

歐陽東來先生像贊
予偕勝友偶步裝潢倏瞻圖影道氣光昌先民矩度
當世衣裳低徊久之水遠山長友指示予六一琪琚
文藏金石友尚黃蘇予曰予聞窈渺英芬悔慙漫浪
空懷暮雲友稱素履流風莫企卓爾膠庠強仁慕義
孝異閔衣愛同姜被遇難必排有曲斯直

叶仲連彦

方合而一致吁嗟乎繪筆不雕友言不佻爰着佛頭
用記神交

祥生家弟像贊

高名則騫厚實則顛胡寧若斯形神不全惟澹惟靜
所鑑者泉不戚不汲所遊者天遇公力奮見義精專
譬彼和風利物無言上追懷葛允是桃源顧瞻遺影
鬚眉宛然吾爲點睛其真永傳

故遊擊將軍單巽言先生像贊

緬厥遺風五陵六逸斗酒百篇千金一擲指顧蘧廬
飄若風旂掀髯遊戲請纓棄繻雖則棄繻無復據鞍
製荷切雲飭此衣冠追惟昔者晤傾伯雅豈謂而今
蕭蕭松檟吁嗟邈矣誰傳側理老去琴亾見似而喜
嗚呼天生大才緊淪落流爲廣川峙喬岳維羅有臺
浮有梅或者逍遙追道開

黃文學賓上暨孝子亦謙合像贊

鄉使先生步廣寒宴曲江樹壇坫之芳聲又使孝子
養萬鐘馳五花備顯揚之令名不須與葦莢更兮狐
兔迎醅朱墨兮壁房行覩斯像也或點綴乎軒冕而
賞鑒繪事之精焉能使近者悲遠者感奕世而後相
與咨嗟太息舌啞咤如嬌嬰

董子學卿小照贊

余硜君玉予艾君木予掛瓢于鴻末君幾遍乎馬足
不同者有如其面同焉者珊珊兮勁骨若夫金石攢

鈎畫融倒白羅摩青穹得未曾有兮噫又將無同

孝廉江澄若行樂圖贊

翠陰列蓋文石成屏中有人焉舒顏危坐予素心寫
之而不能以名名書半牙非黃庭酒一樽非醪醴菊
數本非淵明蓋將探索乎天根醞釀乎太液而陵霜
傲雪皇發乎太冶之精英近而卽之知爲予澄若先

生

黃文學博萬暨歐陽太君合贊

家有嚴君父母之謂端坐如賓風生堂第緬維江夏
渤海承流無雙垂譽六一匹休有聲在泮有美居室
黃帙朱標高名厚實雲章雪案千籌不亂韋布荆簪
十年不換得固欣欣失亦妍妍春容委曲式訓皆賢
香引翼宮樂奏辟廳桂蘭列侍祭酒女宗

女婿黃太學生汝先行樂圖贊

仰慕山暉高閣流丹霏微翠巘文房助瀾奕葉流風

芸草殷繁曲山善繼命名匪異嵒峿則仁岐屹其智
半畝禪居俾聞聖諦俄展繪軸標注名園誰偷格律
無乃老元摩挲倘恍目鷗心猿中有伊人居閑習靜
洛浦之珠河津之鏡居然熟識呼之不應松籟傳聲
乃君之倩听然大笑耄荒懊儂予名曰山詎負泰峯
子表汝先須亢九宗有子能文有孫俊童莫謂踐形
延佇追蹤

候選廸功郎家弟有章贊

至和凝神卓識通身夫惟大雅超然不羣如飲醇醪
斟酌攸分如調音樂清濁有倫力勝投大智足排紛
洽乎齊物篤於周親其視雁行無異鯉聞何以臻此
爛熳天真竟成千古伊古之人瞻望若夢梨花喚雲
詎轉法華破此微塵僉謀私謚孝友叅軍

祈年圖贊爲弟爾玉題

齒尊上古擊壤蟬聯今也何其危坐榻穿遙遙洛社
直接祈年繫我祈年八音丕宣品竹思聚憂石能專

餘音相錯莫不繭纏夫惟大雅識力精堅採香芹藻
涉趣林泉通道三杯消閒百編陋室德馨獨寐神全
有鯉在庭有蘭在軒漫勞甌釜自侑肥鮮行已率真
閱世滾圓會皆人傑而君則仙嗟予老矣匏瓜繫焉
如修耆舊少徵斯言

黃文學鳴侯像贊

晴光其度綠雪其神磨編鋼鍊記事珠勻躡展暗墅
採竒瀨芸掀髯清談問夜嚮辰維彼君陵南阮響臻

伊人揮塵等元規塵弁山霧居庶幾儼倫豈若分寧
坡公寫真瑰偉之文絕妙當世孝友之行追配古人
移以贈君前身後身

伊人傳存身卷之十六
其
樂餘園
伊人揮塵等元規塵弁山霧居庶幾儼倫豈若分寧
坡公寫真瑰偉之文絕妙當世孝友之行追配古人
移以贈君前身後身

希道字說

人受天地之中必有得於性之所近名以命之俾常
顧而惕若於心以視銘几書紳過之遠矣未陽有令
子靜而不馳動而有儀大約得義之性居多命之曰
矩矩為方之器也易不云乎方其義也且有形上形
下之異焉請以希道表之夫學者之進德也折旋而
悉中即堯聖之人神也所欲而不踰率是道也自良
器而進乎不器則坤之六二合乾之九二信利見而
行不疑吾道其有光焉勉乎哉

存幾字說

辛亥之春三月上巳予過訪廓所樂其有孫氣爽而神清年五齡無他穉戲動輒惟好弄紙筆手執摹本爲子安滕閣序試引之聲琅琅而有致問其名曰旦大矣哉旦之義乎經曰明旦傳曰平旦其清明廣大之象固可樂也然白衣蒼狗之掩蔽能無慮歟請表其字曰存幾莊周有言曰泰宇定者發乎天光則發之視乎存者存之資乎養也幾微之介出入因之斯時也夫豈童子之責也哉

賀外孫黃素存完娶

外孫名煜質樸而氣清蓋靜者也而意有餘誠仰邈乎以童子而有聲於江夏者可造而可追也按煜之爲言耀也無乃謂其篤實而信光輝之發見耶楊子太玄曰日月煜乎晝夜然通乎晝夜而知者唯聖爲能下此則必提檢常惺猶之太玄之託體於太素也者吾惡知吾甥之靜果中存有主而無外蔽之馳焉不也茲際授室之期請表而字之曰素存使之聞稱而思義不徒縞衣綦巾之燕樂也云爾

書孫壻洪南英扇面中之燕樂也云爾
物惟龍則靈語何以稱佳壻爲乘龍哉龍之體健用
溥符于天道壻之受室成家兆乎人倫因天之行席
地之勝人尤爲萬物之靈焉予孫壻南英蓋儼然交
夫也問珂里則石峽挹星宿之源叙景運則予邑于
仙桂爲盛勉之哉體乾惕杜亢悔循斯道也以往或
潛或見無之而不宜也世所稱爲佳壻者彼亦丈夫
焉耳矣矧尊家之四洪爛然有聲爲山谷老人之甥
如是則其壻可知浸假而叶大人

之占爲之甥者又可知也可弗勉歟

告城隍驅虎牒

代

維年月日具官某照據慈惠豐樂高陽麻溪梅岐各
里民呈報猛虎橫行傷害民命者乃熏沐敬牒本縣
城隍之神前言曰蓋惟百獸之克莫甚于虎羣蚩之
命惟聽于神是以饌祭華林則瓜皮自獻坐禪谷口
則播種皆青指點禡神會一絲之不掛迷離俛鬼縱
九折以相從豈非頑蠢之窮奇毋乃幽冥之役使者
哉然而虞廷率舞不外斑寅周伐稱桓寧推熊甲今

聖日者

歸雲外
醜風外
限外
外
外

百一傳不集 卷之五 九 樂會園
聖人作觀雲從類慶風從列憲輝流蔚變不觀炳變凡
茲蠢類各奠其生崇嶺深巒何所往而不適妖禽怪
獸恣所欲以相殘飲美酒于韓盧作蹇修于越客居
然有覺豈盡無良何期毒噬蒼生橫咆白日耕夫荷
笠乍驚奪命之魂樵子負薪倏化黎邱之鬼子兮哭
父妻也號夫豈難張何氏之網羅佇可俠伍人之弩
矢驅固辭于姬旦擒或召夫鍾傳維綏民者害必除
在傷人者殺無赦民不能制虎而哀籲于吏吏不能
喻虎而求聽于神神其赫赫乎濯濯乎迅檄土社之

司嚴驅律令之捕矢必滅此而後朝食毋俾惡類而
逼蒸民其于陰隲之權協贊之道不益相得益彰者
乎如或不然縱出山之虎豹若猶未也肆當道之豺
狼吏必援李廣之弓召熊渠之箭攘臂來馮婦之勇
拔劍奮周處之威烈山而焚殲噍以類雖無德渡河
是固令之罪也而虔求充耳繫非神之責乎吏痛在
民禱言或激齋心俟命惟神鑒之

發難蠢動南鯨悉弊三年陰房鬼火是天既降虐于民而疾病于神也伏逢

聖天子天縱神武不折弦而南閩定深仁厚澤鮮惠遐方歲丙寅吏奉

天子命來尹茲土未入境而洪水橫流環區皆壑計其時同日而被水灾者若浙之溫衢江之虔信泛濫數千里意者氣化相尋莫之或砥神爲一城之障熒熒乎抱疚于心其亦如甲申以後之變異不能與造化爭權也明矣今歲秋陽亢而烈旣而旱嵐鬱熏逼疫

遂附草而作祟吾甌麻溪里瘡痍之遺鱗介之餘也神不捍禦疫橫爲灾布雪窖置炮烙徹寒灼熱俾暴且狂始于一人浸乎數口蔓延而鄉而鎮婦女呻于床烟火冷于室親友爲之戒足道路爲之迴車哀哉吾民何辜罹此此亦如恣睢鴛鷺之徒嘯聚而顛越人者同科夫神以理幽吏以治陽皆奉

天子命以殄其敗類而保撫蒸民也吏而有此恣睢鴛鷺嘯聚顛越人之克人視力能制則制之不能制則列以上聞矢必滅此而朝食向使或縱之而不制與

不能制遂聽之而不制俾恣睢鴛鷺嘯聚顛越人之
 竟人流毒鄉曲無論森然三尺莫或追之即冥冥之
 中神其若之何今者疫厲之行何以異此吏知神蒿
 目時艱曩或委于氣數至于宵小之疫傳一律令縛
 之足矣度必有以制之如謂縱與聽焉神必不然也
 記曰有大功德者則祀禦大災患者則祀吏之報馨
 香神之念黍稷皆在斯舉也惟神留意焉

樂餘園百一偶存集卷之十七

開支姪孫 嵩峻及較

宜黃鄒 山嶧傭氏著

姪 大麟玉書

姪孫 文昇曉蒼全編

姪孫 明倫敬五

書啓

與江宗正宜笏

不覲山斗約忽三年景慕之私衰朽流離之狀總未
 敢陳於奏記惟時得請安於令姪澄老處不禁破愁
 一喜近又得晤董學老能快道其曲折更躍然大喜

百一傳在集卷之十七
樂會圖
羈旅無賴祇得揚脰鼓掌於兩君子稱道間則某之所懷所處可知矣洪惟老先生嶽嶽懷芳垂正氣於太和之宇盛德大業當於伊昔名卿中求之豈佞語哉憶癸巳春某迫逐汴梁日閱邸報朱軒華蓋全集京師時有語於某曰宗正公來矣晚對之嘿然已而旋京邸見前之朱軒華蓋全集京師者莫不膺大爵邀大賚且嘖嘖然而交語於某曰惜也宗正公不果來也某對之亦嘿然某之所以嘿然者蓋以微窺仁人孝子之用心而未可爲一二人言也茲者禪祥以

屆仁孝之備盡元輔之方興且新令孔嚴命駕宜夙俾某得旦夕承誨其喜慰又何如也第某一行作客十載無歸悠悠傍人無非感恩之處其仰附知己者惟老先生一人而已故敢不辭醜縷佈述底私肅候安於閣下惟老先生鑒之

百一傳在集 卷之十一
劉安伏閣下對朱史主舉之來矣晚對之嘿然已而
朱史亦去坐之人而已其類不類顯顯於世風其
容十薄無權然對人無非怨恩之盡其於世也
凡對其對且又承其喜愠又呵收也其某微對
且對朱史前盡元神之太興且 諸令其對命對宜

與黃太史崑圃

聞之中山有樵夫東海有賈客武陵有漁父或入蓬
萊或遊龍宮或留仙洞頓忘本色幾不知身之爲樵
爲賈爲漁也然而凡胎難換異境難留不踰時亦樵
亦賈亦漁而已其昔浪遊燕都其得侍宗壇者何以
異是維時文章相命聲氣相孚擊筑則風雲生唾壺
則雷電至脫使靈丹可藥則奮乎飛矣乃自庚午秋
後老先生以玉籙金章輝煌天際未幾而桂花仙子
簪其香桃花仙子鼓其浪杏花仙子更沾其馬蹄主

百一傳存集卷之十七
領木天弁冕金馬其視蓬萊諸境之虛實爲何如也
某自鍛羽歸後復浪走于閩越山海間齒日益衰學
日益拙頻年寄食徒代作碎金錄修郡邑乘所謂小
兒強作解事非能如貧女之爲人作嫁裳者比也茲
伏閱順天試錄側知令季年兄超影冀羣將來東海
三徐於斯爲盛某欲追從之而悵悵其迷途也茲舍
服姪某倖邀鄉薦修謁臺端伏祈推念素交不鄙樵
賈漁父之餘進而教之俾得超俗骨而附仙跡是亦
門牆之所樂育也

與蔡文學九霞

憶自丑寅兩度蹀躞鳴珂承老年臺引爲性命之交
附入文章之坵鑄山鑄水抹月批雲骨月天涯真無
逾此亡何浪遊燕漠旋至滇黔踐身戎馬之場寄命
瘴厲之地幸邀福庇獲返梓桑且突不黔而復走閩
淹留者越五六年許修紀事錄纂郡邑乘藉茲備食
敢云紀述乎緬維老年臺道德日高著作日富囊東
山而括北海席濂溪而挹橫渠仰止九峯於斯爲一
曩建時晤林西仲年臺詢及眠食報安殊慰續附數

行不識曾塵記曹否向者三立祠之編每飯不敢忘
蓋以尊先公忠襄老先生乃有明三百年一人後學
小生安敢草次且貴郡大筆如林老年臺不以命他
人而獨諄諄命於弟誠慎之愈不敢不慎也近於建
署編次已成脫稿後擬欲附正隨爲建陽坊友取去
聞付剞劂俟書成便附呈閱語云報國惟有文章弟
之報知亦賴此區區而已神交千里臨風悵悵不宣

答吳氏辨墳山

文章有神山川難間曠懷風雅遙結心知社翁大業
洪文久矣藏名山而函石室玉兔金龍之會頃一鼓
而並擊雷門耳弟輩咄咄書空魚鹿無似時維日永
倦臥南窓瑤翰忽傳寔然自喜捧讀過半驚疑莫定
恍若細柳軍從天而下而不解其所由來也旋謀及
伯叔謀及兄弟檢閱宗譜分關之紀載山券之詳明
界石之屹立請一一爲社翁陳之山譚氏演清兄弟
之故產也吾先祖之買在正德之戊辰其葬我先祖

妣在正德之辛巳至嘉靖而重修之碑墨猶新家乘無闕其契書山界南至某北至某東西之至比鄰於周未嘗有所謂吳也卽取周宅山券互觀之其分立四至也止有所謂鄒未嘗有所謂吳也界石釐然匪朝伊夕又如拚剔山木自高曾祖父之世不知凡幾卽弟輩數十年中亦累閱拚於茲矣歷年二百歷世九代從未有過而問之者今一旦飄然而欲爭之誠不解其由來矣至捧讀台翰所云貴先祖天驕公者固儼然鼻祖也各宗人物蟬聯應不忘其始祖意必

墓道恢弘石碑崑聳今弟輩往觀之特纍纍枯墳耳歷宋元明以迄昭代世迭更而人代謝豈昔之人俱無霜雪雨露之悲而後之人獨篤其水木本源之論乎又豈社翁於前亦忘其祭掃至今日而始欲祀其血食乎又豈天驕公在天之靈神相告語而社翁始識其山而履其墓乎不然何所聞而來而發此大端也且敝都無小沿坪之名周姓無細九之派根尋風影無俟煩言昔唐穎叔自幼播遷宦歸祭掃人指爲祖墓而使拜之穎叔不拜誠不忍以他人之祖宗而

百一傳存集 卷之十七 六 樂餘園
誤爲祖宗此真仁人孝子之心也近日世風澆薄往
往借遠祖以認孤墳而及於山在社翁有道君子斷
不類此而不知者哄然而起弟輩力爲辨之而亦未
能明也總之山以契爲憑以界爲定古墓雖無明碑
必有幽壙在社翁之所爭者木而敝支之所辨者墳
木之發拚僅止數株然丁丁之聲聞於數里豈有地
方隣里而不知者亦無煩社翁之問爲也事關祖墓
語多率直不宣

答徐卓臣父母

父母孔邇視問恒踈緣愚賤耄荒恐以無端而污簾
軸然私心懷慕允爲此生所未視猶之赤子嬉遊笑
舞其瞻依不以迹而以神者久矣夫在老父臺鑒照
中也昨承貴房冒雨至舍傳示手教拜讀不勝涕零
伏惟郡公寬洪汪濊數年以來某藉一枕而熟睡花
村荷恩久矣茲又採聽黃開府之言而殷殷致名分
應扶病趨赴但冒寒初起靜息旬日卽叩臺階恭承
教命然後撥棹上謁蓋臃腫恐貽笑於桃花或者在

櫻筍之期耳種種不盡臨穎神馳

轉然其必對某文爲此主泚未斯首之赤子
父母其願願問卧起絲愚頌筆某惡以無識而
答斜卓日父母

答梅齋使以正

荷承眷注歷久彌新深處爲家幾不知年矢之催人
荒耄也辰春逐騶南旋時維老世臺懸照鎖闥祇得
趨庭墀而俯謝徘徊瞻望佇立潸然奈至杭不五月
而居停有事歸家未三載而降割相仍極生人之困
苦從未有酷於此者矧望九之朽人耶不已於昨秋
有寧國之行匪第饑驅更爲債迫至則接待雖殷其
如時事日異當今之守有北顧南顧之繁憂向尙仰
助於粵西今則又見鑄矣卽升斗之挽亦江河之濶

也暮春抵舍家人捧出琅函振衣肅讀感涕漣如回
思浪跡燕市以來席華椿花萼之蔭如敗葉之附盤
根莫捋寸草傲鄉去建武道不滿百歸因多故不常
從事於太翁老先生之左右自蘇至濟南地不踰千
內顧倒懸未遑趨台轅而晉謁更承寵錫並切慙惶
伏視台銜頓令老頭皮縮死無地矣洪惟老世臺德
業聲名洋溢海濶延佇陟節臺而總樞府率使癡頑
黎老鼓舞長歌朽或假年猶得緩須臾而從其後也

與胡芝廬父母

羣生正茂一陰旋生人事天時良可慨歎老父臺周
身藹吉滿腹慈祥舉燮友弗友之倫率納之太和保
合之內正昔人所謂在位無赫赫名者曾不諒其精
誠竟有昨日之事在有心者去後之思頃一日千秋
耳夫位不僅在臨民也游魚飛鳥盡屬吾徒亦不繫
於居官也石室名山居然元輔矧惟老父臺文章鳴
海內品望著朝端將必有進而引之者其大造我西
江延佇俟之良不爽也

與伯良弟

相得弟兄一別歷九十有甲子人生不滿百縱歡聚
能得幾時耶秋杪歸來苦無安身之所請假遺安一
笏地藉以養息對山習靜觀水怡神聽春洶水碓聲
可以佐仙家之丹鼎此誠安身立命至妙之門也在
吾弟或見慣而拋荒愚則雖身在棘叢而神依桃洞
者久矣

與某丈

奇將峯蠹薰自南來緬惟諸年臺先生乘風拍玉子
之肩牽雲把浮邱之袖真人天際頃寤想勞勞耳啟
者尊庭某年兄素負名流邇市木枿爲溪水所衝決
意者尺木無靈而破浪長風反得之悠悠賈販中當
之亦可省矣何某老不問水濱而問地主猶可言也
乃無端而波及於敝支之某叔更浸延而波及於寒
家之某姪家叔望入衰年素稱遺老在舍姪忝詩禮
之裔亦羞與賤丈夫伍何見何聞遭此无妄是陽侯

百一傳存集 卷之十七 十
作風波于世上不過須臾而某老之泛濫橫流經年
經歲尙可言歟且側聞某老近遭大故正戚顏哀哭
時也今不泣血於苦次而呼籲于公庭不讀禮于喪
廬而辨律於法案矧今當道廉明無難申白弟輩不
爲家叔姪惜其爲某老惜也迨滔滔乎有忘身及親
之感矣寒舍之於大庭婚媾之好氣誼之孚也情雖
親既事關名教故不辭覲縷佈告臺端惟諸年臺先
生鑒而諒之不莊

徵刻 國朝制藝啓

文閣雲停選樓風舉經天杼軸俄爾爲章獍物雌雄
歛然改色故文心之須選手如雲體之任風聲方揚
塵而紀丈惟三燦金翹之雜組迨披竅而吹噫則萬
昭玉葉之浮空由是觀之孰重孰輕當必有辨之者
矣溯自隋唐而後制舉時遷洎乎蕭劉以還評林日
坐 在河岳英靈之集紀載希微乃文苑英華之編摺
擴汗漫詩若燕許文若韓柳率千卷而鮮登纖如溫
李鄙如顧羅或通牙而盡錄執斯論也爲去爲取不

亦有難焉者乎矧惟體裁入股儼八卦而括兩儀表
樹九經恍九宮而函三籟寫聖賢之真面目發天地
之大文章莫盛于斯孰逾乎是然而時當鄉會日綴
房行鶴聲一一上天詎老元僅偷格律魚目霏霏暎
水在洛誦不止桐孫加之坊賈營金侏儒秉政掠諸
家之評騭螺以成書雜穉子之瑣言蠟之入集其細
已甚所傷孔多某學媿天傭識慚月且趨庭不輟聞
天根月窟之微出門有功探石室名山之奧是用不
辭跣足仰企嚶鳴哉僞澄源人皆好之未也彝真尙
友我不知之可乎伏惟北斗鉅公南山君子班荆道
上青徹棘心鼓柁舟中光浮水面庶無惡而無射擲
有道而有神唐荆川曠代宗工傳稿半得于宦後錢
吉士一時名雋遺編僅託之生前稅鷄窓而盡發秘
藏借鷓樽而交相細論俾從龍從虎襄萬年文運之
隆而若夏若春成一得選家之勝矣

家振衛妻徐氏苦節徵詩文啟

蓋聞王道之易觀於鄉曲聲詩之作肇自閨門思而重之曰求不徒琴瑟鐘鼓之奏女而尊之為士正嚴牀第帷薄之防然其間有幸有不幸焉未可同日語也夫幸而于采于湘薦香蘋澗不幸而靡他靡忒託賦相舟即不幸而趙氏藐諸一塊肉堪承光祚更不幸而魏家遺熄半隻耳難慰黃墟摧玉樹乎終風壓青篁于積雪亦未有如家振衛妻徐氏守節之苦者也氏乃臨川儒家女也貞操皎皎遠承孺子之清高

一傳不集 卷之十七
潔志瑩瑩近習筆峒之禮教跡其結禱而後迄茲服
編以還節錄附聞無庸贅及惟是忍生俟命稱未亾
人者十九載奚殊蕪典屬之孤忠啜泣承歡事垂老
姑者二六時抑若曹成王之曲孝撫繼嗣而稱慈母
率義方以代嚴君似此艱貞有光彤管若斯苦節無
媿女宗雖綽楔有待于方來而稱述難忘于此日伏
期華軒貴客藝苑詞宗錫以洪章百千言章明風化
播之佳詠五七字闡發幽潛異日太史採風
聖恩表樹均垂不朽並感弗諉謹啟

賀謝司馬陞贛州太守啟

恭惟太公祖王道聖功仙才佛性風生南國湛汪沛
靖海之瀾日曉東山蔽芾拂豫章之翠佐二千石而
才高八斗在柏臺藩翰久借萊公歷十三郡而化逐
雙輪卽白叟黃童咸依司馬天方福乎重地

帝特簡爾巖疆謂虔州乃吳越之咽喉則太守必名周
之公輔伯濂溪而重閩道蓮蕖琴鶴交華據空峒而
濯鳳凰秀水名山共麗斯萬姓之歸心甚矣豈一人
之加額已哉某鄙猥賤士瑣尾逋人沐雨露者多年

撫形臃腫望斗山乎咫尺顧影妻其聞鶯遷而善自
天欲鳧趨而窳於穴敬修寸素特貢箋私伏祈鑒一
縷之微芹澤流細草晉萬間之大厦溫起寒微則知
帝已感恩永懷啣結而建牙開府願執鞭弭矣

樂餘園百一偶存集卷之十八
宜黃鄒 山嶧傭氏著
姪 大麟玉書
姪孫 文昇曉蒼全編
姪孫 明倫敬五

樂餘園百一偶存集卷之十八

開支姪孫 嵩峻及較

宜黃鄒 山嶧傭氏著

姪 大麟玉書
姪孫 文昇曉蒼全編
姪孫 明倫敬五

祭文一

輓黃太史崑圃太翁

鳴噫吁曷悲夫哲人云徂大道黯軒虞掩青椿而白
榆茫茫昏曉日月驅紛皇天老眼竅魚珠竭不初平
圯石長精孳世混濁而澄澆之者誰殊世蹠躐而騎

一 仙在集 卷之十一
樂會圖
搖歌者之誰圖我欲排雲叫闔筭紫電兮桃都劍搏
九尾九頭之狸虎而血模翎撞鐘擊鼓蹶僵走汗而
訴於帝之巫帝曰子不見天風輪而輓地泉山而轡
世冉冉去年昨年千秋萬歲有若鑄陶模昔在塵汝
楫之開閣閱聞闔而名覆紫紗厨何況孟子太清之
侍御曰仲叔季仙史而齊驅幼子童孫乃葱葱茁茁
誰其繼者盡玉筍與金樞環八萬毫孔三千世界
十二運會化而厚者續之腴如是我聞嘹峭陳思嶢
杜甫七哀八哀寄長恨於生芻

樂應詹允明府太翁暨兩太孺人

嗚呼漠漠冲虛發乎泰定或逸或勞孰能權稱有若
運會兩地參天鬱如葱如鴻鈞密旋抑若元音變官
變徵鼓之詠之鳳儀蔚起闕其玉爾殊費昂俄直到
于今方識天和鳴惟我太翁老先生宗黨芳型宮牆
儀羽學紹休璉家承吉甫緬惟太老夫人瀛洲懿範
上谷各閨辦羨心潔舉案眉齊宛彼喬木翩翩鶯鸞
吉夢協占篤生美珏夫何不慙遄歸羣玉木假中峯
顧瞻奚屬邇乃仙姥維萼綠華幽閑淑慎克續大家

何須懷燕鳥用維熊相茲吉士撫乃聖童芙蓉主闕
玉符飛越泣血視含情文俱竭嗣是相依分甘且肥
二難駿發芹藻生輝伯氏先聲鯤溟展翅決西江濤
奪南宮幟暫虛視草側席鳴琴綰符越嶠載驟駸駸
便歸牽幃亟請慈安執仲之手晨夕承歡循聲緝緝
游膺大邑北堂聞之色欣心悒阿閣有雛養育皆珠
彌留計日可報黃墟仲氏啣哀治衾敦輶伯也陳情
雷奔童叟維時制撫剴切拜章爲民保乂予告理喪
於斯時也光流聖舍八騶參輻五花映葦夾道束芻

當途薦祔接軫連騎霜衣雪幘嗚呼天意殷遙亦孔
之昭不有往者星岳誰標不有來者麇鳳誰招兩儀
合一參同靈匹百世千秋祥徵藏室某等薄陳殷薦
厚忝周親低回顧慕寸縷難伸何以芼之維其藻矣
何以奠之維其潦矣零零溼露中心悼矣

所以莫之錄其齋矣零零蠶蠶中心軒矣

草黍風驟却回飄慕宇懸纈軒何以華文錄其齋矣

合一參同靈四百世午沐輒燭燕室其華輻刺頌藹

之卻不存於昔星岳錯軒不肖來昔舉鳳華沐而錄

當錢薰醜楚傳數蠶蠶元雲劃軒刊天意頌錄亦其

祭汪扶九邑侯太夫人

嗚呼鳳鳴岐陽錦江相屬有彩者凰鍾于繡谷湖厥

家聲毗之三陸迨逝江山化工巧篤伊祖樂遊爰止

巴蜀灑瀨瀾清峩眉秀毓矧惟先世夙傳種玉邈女

何奇濬功非特惟文乃武于焉比翼細柳天桃于飛

允式時維滇黔不靖三川播毒避地武林爰依親族

乃握兵符逆藩攝伏厚禮卑辭噉之爵祿縛使緘書

獻之樞軸

御賜忠貞揮揚旗纛此皆密語于幽房又何賴乎躡足

游歷元戎水西親睦不憇騎箕羣猶哀哭宛彼九頭
血流山曲萬里奔喪夫人是搢稱未亾人撫諸孤勗
養育三珠殷勤諄囑武則忘身文則無慾先儒所言
我爲註讀又曰福始難成禍先必復爲君爲民行之
必力皇皇家訓朱顏悅服是以我君袖攜天香暫棲
枳棘劍邑來宜民歌吏肅假以三年移風易俗忽傳
新君周遭蹙蹙老擬卧轅壯思扳轂俄聞憲劄怡心
悅目洪惟太母花辰爭祝或采奇花或擷芳藪無端
青鳥西池介福當斯時也霑雨牽絲妻風敲竹黃鸝

吞聲杜鵑血瀑物尙如此人將因極此茶等啣哀顧
慕而不能申鄙詞于奠爵者也無以請從功布後而
侑以輓歌一章曰風謾謾兮露井桃雨零零兮月輪
炭解珥恤軍兮體平陽之拜錦袍二章曰夫人城兮
荒涼娘子軍兮卽當巾幗而介冑兮亦不祥于嗟乎
千古永配兮一邑姜三章曰束爾芻兮潔爾杯無然
隱淚更徘徊君不見宛陵三度大江來南浦西山暮
雲開



王孝淑馬氏孺人哀詞有序

婦以節傳稽古尚矣今亦有之求其以孝殉者蓋
 闕焉其人也豈婦道毗陰閑乎情者間出而純乎
 至性者或未之聞耶雖然曾閔不幸而孝夷齊不
 幸而貞卓然於千秋無有繼者然予嘗讀女史惟
 有女魯閔未嘗有女夷齊斯又何說哉以予所聞
 山陰王文學新侯之妻馬氏姑生而竭力病而盡
 瘁篤而祈天糜股以殫厥心死而傷痛彌留歷日
 者五十竟以哀殉豈非篤至性光前徽哉蓋純乎

其純也乃爲詞以哀之曰

娥之孝兮曹江芳水泚泚兮方且長蛟螭截角兮馮
夷退藏挾而父兮凌大荒後千百年之有潞陽紛藥
物兮沉瘦宛露請兮昏黃提刀縻臂猶尋常死生一
兮貞無疆馬繼曹後兮長發祥請祀雙孝兮永流光

祭王母李夫人文

嗚呼秋露如珠秋月如圭眷言王母介于西池西京
降靈代多賢淑洞鍾玉女山輝金粟履大人歆如彼
姜嫄作君子述如彼渭川嗣茲何有東觀大家和熊
之韓織錦之蕪蟠根仙李函關戾止皇發其祥蟄蟄
其趾赤電流光肇生之子山有玉榻堂皇兮浦有珠
美華昌兮宛彼西池兮漾漾乃作嬪于東王維茲王
公從龍之傑合劍鳴琴旣和而節相歷中外徽芳烈烈
旣似旣續元季兩難伯也玉樓惟季金蘭孫曾湜湜

黼黻天閑之復生之瑯琊式穀朱粟金櫻隴西韞玉
 皇矣仙姝文定天祿天祿巨公王國之華翹翹熊軾
 借寇富沙睽彼泰山頽矣何嗟孝思泰水爰式迓子
 官衙或採紫芝飼焉參朮或種黃花娛焉耳目或鞭
 鐵獅壽延古佛或調白鶴珠生靈谷太君悅懌既安
 且閑十載長齋悟徹空關大士而師靈照其斑一卷
 楞巖爛熟瀾翻既現本來便離軀殼白水明心玉箸
 圓覺脫下褊衫遂穿瓔珞嗟哉天不憖遺證堯率而
 遊長樂喟曰秋風起兮四大空白露零兮楊枝濃慈

航渡兮寒潭淨月在上方兮諸品融融母今拍掌返
 西穹宛名嗣兮良駒况貴坦兮乘龍晉司馬而登鳳
 闕兮為北斗之三公倘出定而徜徉兮當含笑于珠
 宮人留仙裙之跡至今猶存其在先明則鄭

儒人標掌印之奇
 世傳元善公
 姚掌有印之
 倘承不乏永紹難期

鐵獅壽延古佛或謂白鶴珠生靈谷太君悅懌既安
宮闈十載長齋悟徹空關九
關令為非半三公論出安而尚新舍當會笑于
西零宸各關令其德貴世令乘騎管同魚而登鳳
遊遊令乘戰罕且去土式令齋品蠟蠟母令能掌

家期上孺人冥壽

於戲景福維何成于天造懿德維何發于坤維運固
當然家亦有之盱衡先烈迴遡本支其在北宋則杜
夫人留仙裙之跡至今猶存

裙印桃源圖

其在先明則鄭

孺人標掌印之奇

世傳元善公妣掌有印文

偶承不乏永紹難期

故數必總乎身備而事必重乎見知惟我太君朱樓
繡戶玉樹金芝仰而事者翁嫜儼雙鳧之赫奕叔伯
連三鳳之威儀俯而育者仲子奪廣寒宮之幟叔季
鼓圍泮水之漪伯雖不祿為之內者徽音克嗣邀

九重而樹坊表之巍巍其相我期上公也組織絢文章之彩蘋蘩煥芹藻之輝傲水竹居之鳧鴈閑金馬庄之驕騏聯四門如鶴蓋理萬石若朝規追直福之弗替仰至德之難毗迄今恍其環佩緬以縞綦其性靜則蘊先疇之嘉植其氣和則昭後世之洪基其體厚則萬類仰坤元之載其色溫則百感融矣順之怡加之塔將圯則解珥保三元之墜歲大無則煮糜救千戶之饑卽今協濟橋之建由是我太君所遺之田文子文孫擴而滋之者也不惟在昔閱五百數十年

遞傳之緒其至于今歷三萬六千朝冥壽之期德旣若斯福又奚疑某序連服屬祝簡膚辭上窺往哲俯播來茲于以昭開宗之未有于以啓奕世之永思于以俟採風之特筆于以望族壺之相師其言白
葦其義冰
絲在地在天式鑒無私

絲音獻亦

其言曰

然來及于以... 未亦于以... 世之不思... 其言曰... 其言曰... 其言曰...

代普化會祭家吳太君

嗚呼垂淑慎之光者存乎普標威儀之範者存乎化
蓋坤道齶齶則儉而近固惟普也而後能開奕葉之
祚坤道靜靜則藏而有藉惟化也而後能來百福之
迓然而鼓其翕發其專則必待之于震自乾索坤而
一氣網緝迨秋及春而兩分徵信驗之時序攷之物
理洵王道之光被乃閨門之式起嗚惟孺人受祉瑤
臺仙姝鍾仙桂之棠毓秀大家季女紹季子之芳舉
案蟾宮高超梁孟之室環植蘭階奚誇王謝之堂席

百一仙存集 卷之十一 樂會圖

一傳不集 卷之十八
累世衣冠之第踰希年仁壽之坊人皆頌無疆之降
福而咸歸有終之懿德抑未知本巽九五之貞吉而
符坤六二之直方是以夙夜精勤迄乎垂老無俾羣
芴荒其學道相夫君而發跡賢書啟文子而蜚聲芹
草孫枝惟五嶽峙凝雲曾將則百岐疑在抱而且
營義社之倉贊襄協濟之橋感之者衆垂之則遙以
此云普則千室萬年飲和履德以此云化則麗雲億
初起鳳騰蛟奈之何展七十七籌而鶴羽忽墜已焉
哉經二十四月而馬鬣高標雖地維有關陷之時而
化理無渺茫之滑啣哀追慕匪夕匪朝某會聯文孫
見聞實得至哉難名追思弗獲爰假斯會之所稱聊
折字而道白縱饒無文庶幾不忒采菊酌醴薦之靈
席乘茲白雲于焉昭格

翁姆經嬸緯母當參袖以孤妍凡厥族黨嫺姪靡不
羨公爲堂前之肖子稱母爲壺內之淑媛亾何閩難
作土寇喧遍沙虫化鶴猿太翁不免拘繫山巖公則
變產稱貸身投乳虎母則解衣脫珥聲斷啼鵲賊猶
悔禍天不垂憐翁方歸而遺乎不愍昆偕弟而逝也
其遄不八月三喪相繼藐兩孤二人胥捐泣血林巖
母初衾而公敦匠驚心崩另公襁負而母攜牽所幸
喪亂旣平加之日月遄遷誨養成器婚媾遂緣薄言
租產畢付咸立視薛包而不擇苦窳擬盧毓而更讓

餘園其他瞻念叔衰禮勤于耄因心弟命娶使之先
體親而及親之故人負逋不責敬老而垂老之無告
舊惡皆原此固我公人倫之至抑亦孺人婦順之全
者也彼蒼仁愛盤錯靈根篤生竇桂森列庭軒智鍾
計白秀毓雲淵華袞翟茀延佇駢連恭際

膺圖之義曆荷承華爵於于門紀吾省十三黎獻惟曠
典五百昌年奈何不同膺夫赤紱而乃胥昭告于黃
埏此某等咨嗟太息謂祭酒之無主而女宗之不延
畧述梗概盡洗陳言芘以蘊藻酌之醴源驂蚌御鶴

仰止來旃

菁惡習烈典固殊公人倫之至味亦謝人敬則之全
黜賤而又賤之姑人貧與不貴猶去而垂朱之無若
繪圖其心觀念殊變歎懣于筆因心泉命與野之我

祭家孝廉映溪孺人

嗚呼庚戌之冬十月癸酉丹鳥離巢箕星應斗方納
稼之紛紜飭斯倉而注受我孺人念茲歲暮籌計百
爲身無偶逸手不停披曾墨瀋之未乾倏痰蒸而氣
劇斯時也聞者喑見者泣百爾親隣風傳雲集歲月
幾何追思莫及乃者又明年之壬子卜季秋之丙午
金雲繞輻輳之旌爽氣合玄黃之圃時則薦馨惟珍
輓章遏雲白伯什族之衣冠儼若奠郭有道之慈親
夫懿德盛者難爲頌哀詞祭者難爲統夷攷詩之葛

覃芘莒史之市饌舉案皆得之于至微而傳之爲至
重我孺人謹小燭幽試一述之而或有微中者乎姑
性潔而體腴昧爽以來爲之拭角枕滌唾壺旨惟時
而嘉惟好居常侍而起常扶夫下急而精明請安而
後爲之理繁劇記羨耗聲則柔而行則剛出必請而
入必告以此推愛自文子而孫曾訓誡彌縫歷希年
無間于炎冰以此推敬由家門而黨族善氣相迎縱
怒次不遷于僮僕若夫應科歲棘闈之選陳里差通
邑之患行李夙將燔炙備繕惟有事于前車率無遲
于後殿又如理數百石出入之倉箱兼協濟橋子母
之紛茫謹于列簿精之九章乃縷分而條其目質夫
子以提其綱是以匹桂香垂蘭佩藹太和光奕代此
固麗孟之不能京卽鍾郝亦未必能對者也嗚呼徽
音易邁致語難裁精神所感不在樽罍某等何心能
不啣哀亦惟在後之人承麻皇發將使採風之使特
書溯洄在地在天降鑒歸來

其德而垂世耶天到登載來
不而及來
音學思及敬維妙
國顯孟公不遠京時較林衣木必當博涉也測測
乎以辨其
神亦其
下外其又取慨
出入
休
出
休
出
休

祭應孝廉上治孺人

代

嗚呼婦道之儀取象于坤述稽彤管合撰無聞節孝
尚矣細縕則淪迥誼次之保合難均題詠雖工何與
家珍組紉雖巧奚用鍼神既負其形孰備于身俛仰
上下惟我太嫺母老夫人乾惕居心坤順定志懸離
明之照外斂光炎飢兌說之和中存劼崧天根遙溯
攬拂水于虞山地軸鍾靈引中峯於鳳翽其締我太
嫺翁仙溪先生采天香而諧伉儷也主之以敬裁之
以義儼大賓之遙臨若良朋之砥礪開陳道德不貪

百一傳在集 卷之十八 三 吳會園

冠帔之榮稱說古先奚羨鐘鼎之貴以此宜家何人不慰以此推恩何方不暨由斯而談則敬惕以爲經順義以爲緯試質坤之初六履霜堅冰至六二直方大不習無不利庸有異乎居亡何仙溪先生乘白雲而遊帝鄉也維時太夫人居正而固有義且方治喪一循于禮啣哀更叶乎商念百年而亦死惟三立之不亡進廸乎後寧辭苦次退藏於密正在麻裳是時氣鬱聖廬霏霏四象星聚闕室歷歷千行不以成材而居憂是荒不以啓蒙而讀禮則忘手据口瘖吮血

回腸從此而推則閑閑其輝光檢束其篚篚試質六三之含章六四之括囊庸有彊乎所可券者六五之黃裳元吉所以彰懿德而申眷佑者也際當代文明之晝聚大家賢良之胄垂四世珠玉之英闕八袞福寧之壽揆辰與歸日相參生榮暨死哀並奏振古以來莫之或又所最奇者上六之戰野玄黃所以成懿德而試諸艱者也嗟寅卯之蠢動痛城野之摧殘卜王源爲桃源之避別有天地賴小君相太君之翊捷若飛翰非弱力之能跋踖抑神助而獲平安大孝旣

昭小德何難凡若此苞桑之所以緩寧茅茹之所以
彙征嗟嗟姒姑焉能黎量其什一者哉某夙附媯盟
近聯年譜懿徽充塞哀陳何所掛一漏萬強賓作主
援易之坤如律應呂酌玉采金告之瑤圃瞻望漣如
長天秋浦

祭單遊府巽言

嗚呼稽古豪士逸興飛揚指天地而架宇捲雲霞而
紉裳割東華而作俎傾北海以爲觴徵歌舞于趙魏
弔陵闕于漢唐散千金而不惜極行樂之未央勞勞
笑司馬之轍伊伊惜王燦之傷所謂一日如兩日寄
嘯傲于三萬六千之場惟我媯翁曠世之才凌雲之
氣拔臨汝之靈奇超王謝之子弟辟易千夫推倒一
世名高文苑之壇筆奪鬢宮之幟檢書而天籟鳴說
劍而白虹蔽中林較獵擬渭水之熊羆子夜選聲聚

霓裳之舞袂倫之方山莫過于是洎而地老天荒
繡猶繫三徑已墟七松盡刈幸四序之相承輒因時
而養志予也獨行無侶剗方不圓東西南北之鄙靈
幽雨雪之邊倦羽歸來相對流連酒闌燈地逸致翩
翩予既耄荒公近希年倏爾凶來老淚雙懸低徊歎息扶
杖問天豈行樂者歸極樂之境而沉憂者若百憂之
纏耶抑亦樂遊者暢而散而憂深者寂而堅耶嗚呼
嗟乎遐哉渺矣一滴何曾瓣香空靡公在雲中得無
笑曰何不免俗而復爾爾

祭黃母亦遠潘太君

嗚呼何追遐哉奚似薄觀奴橘笑綠實之徒榮起視
女桑惜青英之空潔寒柯振響應來長夜之鐘大野
霾陰黑徧幽都之道伊誰輓日哀並同人其孰補天
信惟太母鍾靈特異兆于生初作合恒奇存乎默隲
受元胎者七月平分堯母之期逾巧夕者九朝誕降
天孫之會暢以厥生惟異迥無再索三索之繁加之托
體符坤允協二爻五爻之吉逃稽星曆斗野光暎井
垣近攷家門魯直詩傳邠老茲皆天合夫豈人謀跡

其克孝繼姑更溥恩勤于幼叔奉迎寡母終遷葬祀
其先嚴愛女及甥顧元陽而弗替睦宗迄黨則大家
以彌親際中道而稱未亡人撫藐孤而成丈夫子履
修感冠銷彌七里霧之蚩尤式穀詒謀遠邁萬石家
之嚴媪百齡開裘遺九齡以還太虛三峯挺霄峙中
峯而張巨室孫枝秩秩合元愷更進一班魯殿綿綿
擬洞天俟增三島茲際日月會龍蛇之次恭鞞輶輶
合鶴館之郊白衣晃雪同郭有道之喪慈親奠軸牽
雲若鍾夫人之祔家廟追惟懿德禿兔穎百難二三

其在哀詞普雷同十嘗八九某媼盟夙附聞見最真
自分無才况耄荒而且盡女宗既謝敢邪廓以遙申
爰託輓章願垂功布庸歌薤露請俟輜軒也云耳歌
曰驂赤螭兮大荒俊虛室兮白光振雲衣兮肅霞裳
天有榆兮海有桑自我不見兮五十六霜嗚呼燐火
閃閃兮電火忙 鎮夜臺兮悠悠鼓漆燈兮颼颼青
城絳洞一抔坵樂莫樂兮與子同疇嗚呼劫塵莽莽
兮名山不畱驚胡爲乎梧簷龍胡爲乎池淹地道有
光兮天發其潛高山屹屹兮流泉漸環北東西兮在

指南嗚呼至哉坤元兮與大同參歌訖肅將香苾薦
之橙橘仰望白雲听然鑒隲

其辭曰
天有命兮命自余余自好兮好自余
自長無木氏蓬萊而且盡女宗碧博頰飛瀛以欲申
其奇哀隨普雷回十嘗人火某隸盟風樹問良景真

輓伍母熊太孺人

有序

康熙四十有一年春三月某日伍母太孺人卒臚
序其終矣且將就兆環汝墳上下無論知不知輒
太息垂泣方之孟氏光桓氏少君齊芳黎躅其制
誄徹幽壤者纍纍而落落也又爲我水翁先生
之名門瀕白茅而奠之幾幾平竭西池而童瑤島
矣予從季芳濫辱館甥嫻姪也而道誼孚焉是不
敢以不文謝敬負嚆矢從諸君子後以俟他日之
有事于彤史者歌曰

夫人城兮龍鬪女王國兮鹿走矧含二五之男兒兮
須金閨而曳皂帶真芳之不可襲兮繁遺風於莫朽
名無名兮曰補天之石莫與之紐載歌曰海螭之天
姥兮育而爲夔口宜八風兮誕五音之清奇爲羽商
角徵而旋爲宮兮振徽聲於何其亂曰渺蒼狗兮淡
淡御青鸞兮冉冉千秋萬歲兮筆形史者微夫人其
誰與點

哀黃老友太守瑤圃詞

嗚呼秋露清秋月明耄荒寂處大難爲情憶昔戊申
賣愁宣城雖五市六街之莫購或有售其值而送之
冥于是過西山望東郡興隨落葉以蕭蕭心逐長江
而滾滾入境以來耳目一新樹皆蔽芾水盡清瑩敬
亭山之孤雲牽霞結彩桃花潭之翠浪躍鯉潛鱗側
聞主人有事于金陵遂假僧院而憇息焉僧乃木和
尚之西堂也秉燭設茗爲予迎風說空措有言必由
裏稱說太守合什俯首問催徵則先期報最叙聽訟

則當前省咎皖江白下數數借才父老子弟依依望
斗自王次道謝元暉以後得未曾有金陵音至接入
堂幃竹簾花軸結靜精微在重九而言歸一相見而
喜且悲冠不及彈白髮霏丹衣不必解促襟煥彩進
履精卓可驕東郭嗚呼藉東道于如家登北道而陵
霞樂晨昏之情至遍山水而日奢歲臘已除元宵接
跡皖撫有符代查沿革再四力辭慙慙弗易遺我多
賺贖我百鎰更命長君送我于郊外之域搗來曠別
十有餘年頰沐齒芬顧念惓惓俄聞北音星回于垣
老淚久乾到此漣漣其將搔首而問九重天耶亦將
斷腸而同四聲猿也耶一別千古一香萬里其知也
耶不耶

唯不暇
游湖西園
來苑人諱
匪此野
其

樂餘園百共偶存集卷之十九

開支姪孫 嵩峻及較

宜黃鄒 山嶧傭氏著

大麟玉書 文昇曉蒼全編

祭文 與不映 葦高泉 瀆安泉 善太文 支 蘇 射 獸

同會祭家文學非能 以 泉 中 之 烈 而 其 補 乎 金 儲

嗚呼事值中庭之變而有莫可如何者必融通解脫

而始不恣滯于憂危卓爾非翁洵獨行師也胡適委

蛻而參白螭起視悠悠曾不識我輩顧慕之傷悲豈

謂老去朋疎藉二三知己障逝水而回落日抑謂祈
年引年之侶月要季會俾老者當暮年而秉燭少者
側几席以觀儀噫嘻會謂乃公而庸情之若斯哉跡
其生平體其行事于以發泉下之隱而并解乎塗說
者之知與不知君蓋高梁貳守見吾公之玄孫揀選
縣大夫章亭公之嫡子也際倫常之不偶值孝友之
純奇母兮遜北婺光掩輝庶也在東星芒逼幃曉曉
之音加以吹箎君雖冠軍在泮而不能解堂內之圍
而則民其見聞如聾如瞽畧其形跡亦狂亦痴或野

歌而稚舞或脫幘而裸衣久之而在原者愛同毛羽
並室者顧若嬰嬰設父母也而闕儀待之兄弟也而
家禮臨之無乃莊以啓釁幾以生疑乎維時道傍竊
笑恃家世聲名之望而涉獵于晉人之詭詭嗣而器
不辭舊田不擇肥男女婚嫁家道式微浸假而二子
中殤寡媳在幃于斯時也乃猶曠懷無度玩世不羈
不幾乎蔓草侵基孤舟泣嫠者乎而則年不待暮儒
冠棄遺訥言微笑撫物忘機杜門嗜古口吟手披幸
季也溫溫而能養在孫曾亦振振而皆奇一時邑人

百一仙存集 卷之十九 二
士祇羨其晚年進德而檢點于宋儒之風規嗟夫士
不幸而逢家變在賢者且猶不免使不表而出之其
不湮沒于世人之耳目也者幾希傳曰伯夷柳下惠
百世之師我輩擬之獨行中之達者夫豈爲非翁私
也哉先是雍正四年春素心七老要約爲祈年之會
旣而會中子姪又以引年繼之夫祈之爲言專也告
也引之爲言陳也長也惜夫我輩罔識化機不能專
爲我非翁告而會中子姪又不能陳于司命之前使
之長延乎歲時且會中四人又不期而他出病不能

饋藥死不能憑屍蓋棺而後始得匍匐慟哭而不覺
死別之永離聞君初抱病時卽惓惓于四人恐從此
相見之無期當屬續之亭午猶聚親友以彈棋迨夜
分痰蒸咽塞捲舌艾艾亦若永念祈年引年無寒勝
會惟者英洛社之是媿是則可悲也已嗚呼死生日
暮也寄歸也暮寢入夢茫茫乎奚之鄉使謝逆旅而
言歸新知舊知吾惡知我非翁之憂樂爲何其耶茲
卜樂邱于象鼻之岡去家園不里許雲中眺望忘情
有情又非塵世之可揆耶某等至此夫何辭哉折梅

作供濯雪傾是發潛闡幽總是夸毗歷歷白榆鑒陟
在茲

同會祭家貢士遠著

嗚呼玉桂其委蔓草紛披珠源既謝頽波曷砥平痛

造車之趨影歎魯戈而莫支邇乃丹旒招搖功布噫

嘻傳白衣冠之佈哀有如纁繭聞青箬笠之致語儼

若亡慈夫既無間于千烟又烏能贊乎一辭爰想生

平特書寄歸爰追雅度細寫容儀羌知悲不幾時謁

來一夕之尙存猶得起上下百世之遺附之輓歌以

寫我悲歌曰溯覽揆兮昭陽一元含芳按支輪兮單

闕萬物生光鼉鼓龍舟漸閉藏越三日而誕降長祥

于嗟乎奚跼蹐于孟嘗一勺不息兮烈火交攻歲在
龍兮賢人災逢加之墜重光于星紀兮玉魚符下白
雲封于嗟乎何太惜於孔融言思丰表泉發瀾遊誰
言叔度千傾其流言思雅量撝謙宛旋世稱師德出
之勉然脫畧亦誠迂哉管寧微笑皆真狂矣孫登言
有珞也必有磨也于嗟乎善人之道而結撰於太和
此山等隱痛沉思而不能贊一辭者也矧夫日月會
於龍苑而佳會蕭蕭尙方祀乎祈年而引年飄飄採
菊英而代生芻醞霜花以奠青宵未能免俗而聊佐
乎九招

祭應母吳太君代

嗚呼聞必有宗見必有主于以稽今于以則古如陟
緱嶠空懷鸞羽如溯采石徒傳牛渚矧彼中閨儼如
秘府足不履庭聲不出廡雖曰黨間翕然稱許雖曰
家傳確然臻楚莫提乎經孰理其緒洪惟我姍侍母
太夫人至元在躬太和在戶何以知之得於先祖蓋
先祖之與姍侍翁仙溪先生誼同袍而締姻盟也連
公車之轡展內戚之情孰賓孰主如弟如兄比聞造
河舟而迓我太夫人不禁撫案大笑曰仙溪其列仙

中之精英者乎華椿錦萱金昆玉友星聚於大庭而
又得淑女佐佑乎權衡昌明發育不劣可徵時先君
先叔父輩侍坐起而請問其詳曰從古哲人賢媛莫
盛于周吳太之昭也應武之穆也姓分而合已兆其
祥且三里吳門具有世德其父乃無懷葛天之逸老
其母若王霸老萊之賢聞嘗聞吳家有媪藉甚芳聲
備四德而不矜歷百爲而不厭觀樂吟詩必循正雅
紡塲繡架不尙時粧夫謙則可大勤則可久則古則
有親習常則有功久大親功之不替則福祿保佑之

常申循是而千乘萬間之赫赫八龍三鳳之振振玉
樹金芝森于芳圃崑桃苑李壽於揆辰此無他種以
至元滋以太和立而待之不爽也予老矣小子識之
俄而嘉禾滿倉仁義耨也華簪滿床詩書購也三五
星聚孫曾茂也八千開基福履厚也惜也春光在宥
春酒在酌婺曜不復昏迷列宿沒百味之瓊筵擱諸
家之錦繡屈指悅竿無多四晝倘假須臾庶疇昔先
祖之所億中者無或遺漏也乎然而陰陽一氣人天
一元無乃彩鸞注念請命姜嫄鑒徽懿之精粹合宗

族之賢媛義或有之夫又奚言某等含哀悵悵隱淚
瀾瀾佈輓三章長天秋水某歌曰百鳥摹聲三籟和
萬花按拍五雲羅羣輪天姥舞且歌鳴天姥歸去兮
傷如之何某歌曰星移物換九秋臨莫莫兼天接地
陰樹有玉兮菊有金鳴鼓金擊玉兮靡不傷心某歌
曰問名鄉而桂仙則聲仰珂里而岡神則靈卜勝陳
源兮位列心星其將作股肱耳目而參列乎彤廷之

祭黃太君文

嗚呼六陰既二儀閉雲彤彤而欲飛日荒荒而將寐
萬木不能爲之枯衆鳥不能爲之奔維太孺人旣全
體而返眞望輜車兮雨涕越厥遐邇速乎見聞或俛
而慟或伏而搵錯蹤道上咸鳥獸走而羣曰母德如
圭母澤如飴集成彤史則閨閣之鏡也惠鮮急難則
孤寒之屏也遐哉人之云亡渺矣天胡不憖言未旣
時則有進于列者曰予徒知悲太孺人之悲而不知
樂太孺人之樂也熙熙福耶五則備之祁祁年耶百

則幾之森森桂耶芫芫蘭耶寶有芳兮謝有菲千秋
萬歲亦終兮而又奚悲時則又有進于列者曰子徒
知太孺人之樂自陰嚙中來而抑知太孺人之樂自
憂患中來也物必善留其餘而後可以斂諸有天餘
西北良柱其肘地餘東南坎旋其紐假饒生逢長治
時際永平田廬不改風鶴不鳴則娘子何由樹壘夫
人安得名城又如事饋幽閑相君簡默庭謝高軒巷
稀華輓則雜佩于焉長留銚剪于焉減色更令荀龍
謝鳳班鴛序鷺作賦玉堂待詔天府則鼎鼐調于朝
端菽水踈于遲暮允若茲憂耶樂耶蓋亦先憂其憂
而後樂其樂者也又皆天之善留其餘于以憲其德
試其才厚其植而永徵其樂于無涯也是以孫曾繼
美元愷挺生如彼玉田璠璣旣庭如彼鄧林梗楠斯
楨謁而大江之瑞紛兮上國之珍嗚呼疇曰不樂展
魏魏兮帝爵疇曰不悲目杳杳兮瑤池某等忝聯世
好有媿達生悼婺星之旣隕悵閨德之無型草絮辭
而酌醴更參伍乎憂樂之羣鳴而奠質于九京

族祭歐陽太君

嗚呼歲四月之戊午朔越九日丁卯我太孺人乘白
 雲而返帝鄉也一時里族人士皆傍徨太息以孺人
 之福報兼脩古今無兩胡不躋百年之考而遽令大
 家失儀型之範小人乏衆母之依瑟瑟聲乎率萬戶
 而一致者也余歷觀女史代有傳徽或終窶且貧或
 始微繼著或溯上世而不無微賤之傷或顧後嗣而
 未免高明之矚豈真盛德之難悠久乎無亦微諸內
 者之有可窮也是故地承澤於天者也膏而腴雖歲

款猶良月借光于日者也順而輝則魄寒不闕于以
度其德考其世紀其年而詹其子姓之彬郁則孺人
之福報兼脩洵亦古今而無兩者焉孺人故明經歐
陽東發先生之淑媛也幼有懿聞作配吾宗翁則望
尊璫璧姑則秀毓金閨夫則少年而噪譽文壇雅奪
士林之幟文子也不以孝廉貴而爲真孝廉不以文
學顯而爲真文學曾孫也不以英才著而爲真英才
一堂之內良有難爲婦難爲匹難爲母者矣孺人則
上承下誨有要有倫推親及疎無不克宜而允臧者

若斯至德疇則幾之吾族自伯高公昌大以來閱世
十五歷年四百盛衰剝復迭若環輪惟孺人之家實
厚名高日新月盛識者微窺其理繫元善公之鄭太
夫人淑範母儀光諸奕禩逮及于少石公之有若太
夫人黎拱垣公之有若太夫人劉叔寧公之有若太
夫人譚皆內教攸宜標輝彤管孺人則遠承姜嫄之
積累近嗣太任之徽音錫保無疆實基于此謂茲世
美又孰幾之若夫耄耄期頤非不壽也而歿則已焉
金張許史非不貴也而夕則萎焉孺人歷年六十有

允雖席豐履厚而口瘖手据不僅中饋紡績之勞則其精神所著謂千秋猶暫也子孫皆恂恂矩矩不敢以賢智先人達者日見其損學者日見其虛卽姪從諸君子亦被孺人之德恭儉醇正曾無遺議於鄉閭則其元氣所培謂百世猶僅也嗟夫以德若梓以報若響誠上下古今而無有兩者又何必嘆息徬徨而淚爲之墮心爲之哀乎某等誼屬至親見聞最確爰畧其小節昭其大德聊引輶車之紼又俾後之採女史者有餘慕焉

祭家黃太君暨文學英傳

嗚呼世有大家音姑女宗徽模家有收子雅稱快士洎

陳奠禮伯也陪筵乎素几迨闕幽都仲也從事于黃壚其在疎迤猶將匍匐之弗遑矧茲服屬能不哀慕而永傷者哉嗚惟我太母孺人也厄遇異人之度才經巨室之絢智輯豺狼之暴壽開崇岱之圖鞏虹橋于萬福貽燕翼于雙珠見聞洋溢夫又何須惟是清晨佳序載省載趨命坐授果諤諤愉愉述往事而爲訓縱複說而皆謨百齡將屆精力猶舒聚五世之滕

繞咸一顧而名呼豈僅脫釵而輓鹿課讀以和熊者
與抑惟長君負曠達之才具剛大之體繙書下數十
行若建瓴論事視百千棼如引指來名家訪問之殷
邀賢守賞識之美道路稱揚莫不如是惟乃晨宵雅
集侯端侯委或說之鈴或談之綺或鼓掌而聳神或
嚙爪而俯視一及綱常毅然奮起縱睽孤于有終賴
需郊乎經始固亦池塘之春草家庭之喬木者矣今
日者輓歌淑瀝總帳淒涼傾醪醺之渺渺宛泉路之
茫茫憶請安而母難論望助予而伯不將悠爾西池

窅然北邙繫仲君之道器從太母于仙堂嗟乎邈只
吹商陟闈惟兄與弟暨姪而孫召巫陽兮招芳魂馳
離趾兮排天門冀斗間兮注受遄駢發兮蘭蓀某等
釋憂而喜佇昭垂于彤管儒行之皆尊

嗚呼臃腫之扶蘇非不百年也然而須臾矣景卿之
 昭見或亦須臾也又奚翅百年矣人莫不樂其生而
 哀其死甚且有哀百年之死而無異于須臾者夫使
 其視須臾而無有異也則暘谷之表昧谷之墟豈無
 有老恠冥頑自皇古以來而延息至今者竟謂之不
 有其須臾焉可也我公之卒也月十圓于茲矣自其
 病而到于今歷春秋者兩之冰山之化鳥雀網羅金
 穴之終蒼蠅弔客公何如異也人之稱之者交結撰

祭家文學兩民

嗚呼臃腫之扶蘇非不百年也然而須臾矣景卿之
 昭見或亦須臾也又奚翅百年矣人莫不樂其生而
 哀其死甚且有哀百年之死而無異于須臾者夫使
 其視須臾而無有異也則暘谷之表昧谷之墟豈無
 有老恠冥頑自皇古以來而延息至今者竟謂之不
 有其須臾焉可也我公之卒也月十圓于茲矣自其
 病而到于今歷春秋者兩之冰山之化鳥雀網羅金
 穴之終蒼蠅弔客公何如異也人之稱之者交結撰

於山高水長中繫惟讀鵬鳥而痛長沙把鸚鵡而傷
長吉我輩於清風將歇奇雲欲歸裊煙浮空明星在
沼乃或夢中相憶鑿道尋公夜寐夙興孰謂公死若
曰稱之不啻自口而已若夫耕耘食德則並耦咨嗟
杼軸懷恩則停機啞軋樂昌之鏡不闕賈父之怨慕
終天長夜之室無悲杜草之結縈蔓地洪橋周道所
履視者真君子之遺踪柱下竺乾所焚祝者大檀那
之過化矧夫旅人聞而心碎行者播而聲寒吾里往
來於吳越閩廣間相傳洋子爲之波橫錢塘爲之潮

溢梅嶺之香魂不返杉關之翠色長凋理固難憑斯
亦情之所必有者哉所幸年猶小登蔬食無恙或不
幸而天災洊及其保抱攜持厥婦子者又何如也噫
公異矣公之死可以無哀矣獨恨公負一世之才而
不能快秋月春江之遇補兩間之闕陷而不能免三
尸二豎之凶殘全百爾之室家而不能使萱花鴈行
寡荆叢桂長序天倫之樂事意韓子所謂其所能者
人也不能者天也嗟夫大塊亦冥頑者耳不然疇昔
公病而人憂其死旣彌留且有人百其身而贖之死

者何天之矐然矐然之竟至於斯也指顧異日者高
堂疊花軸之封內室膺紫霞之帔叶篴音而聲徹于
鈞天發玉枝而色映于杏苑此亦公之蘊積使然借
曰天之報之吾終不敢言也詩曰誠不以富亦祇以
異傳曰朝聞道夕死可矣公之有道而誠異也將見
有大聞人爲公傳其生平若永叔之於曼卿中卽之
於天池伊百年也且千秋萬歲矣無以復作歌以輓
之曰星長景兮不靈雲長卿兮不名彼臃腫之不百
年兮亦寥穴廓落而無形若大德而位且壽兮斯河
嶽之與星辰孰謂皇天之無知兮乃隱躍簸弄乎冥
冥公今披髮下大荒兮洵有望兮而無情兮尙享

族祭余孺人

嗚呼人孰無母孰有如天錫君文母之賢者也吾族
數千百戶其內行之懿淑闕代不乏然而攷母之行
鏡母之遇則固有難焉者天錫世儒素沿至鼎草家
遂式微母之夫子性曠達而多遠識預知士風之不
振白上卿卜大夫何必讀書敦古哉母則以瓣香一
墜續之誠難天錫幼岐嶷長溫潤無負城郭之產無
蔽風雨之廬母惟於十指拮据間供其饘粥資其膏
火而且以棗栗蘋粟之餘稍佐髮薦之匱乏天錫素

與賢豪君子遊雖雪晨雨夜過之未嘗不醉飽人若
不知天錫之貧蓋亦不知母之慘淡若斯之難也天
錫才大而數竒初應童子軍卽遇科歲併試往額兩
試吾邑共登五十名是則核減分五數之一之差母
臨試戒之曰士君子當從難中得茲行無畏也勉之
天錫負命歸好學不輟母之慘淡經營更勞于昔母
有兩令子天錫其長公也季則力勤服事母聚女紅
貲爲兒授室天錫托以學業未成辭於弟迨弟婦物
故更續之人第知天錫孝友之難抑不知天錫念母

之難而爲其難也洎乎寅卯喪亂頻仍君子小人之
逋逃久矣飄爲沙蟲杳爲猿鶴矣母則擇地以安烽
火不驚干戈不擾何其於極難者而處之若易易也
不亦異乎甫平開試數尤再減視前分五數之一之
差止存其四之一吾族有鼎甲定弟子員名之謂天
錫竟奪郡標居然探花郎矣母時稍慰之曰兒小成
不足喜所喜者從難中得耳嗣是而天錫有室則蘋
藻得人嗣是而一舉文孫再舉文孫則桂蘭兆秀且
連珠衣謁謝母班姬儒素家聲霍然里巷天錫君尚

未第豈有終老貧賤者乎惜乎天不留年母遽返于
白雲之鄉耶嗟夫毒陰之觸陽也久矣其上則委委
蛇蛇無禪門第若而彤管所載和熊畫荻之賢要皆
世祿婦也以視乎母難乎否乎余固不辭絮縷以誅
以奠庶幾爲吾族中之婦道矜式焉

祭盧母

嗚呼自古賢淑之生雖誕降自天而發祥於地蘊其
靈乃以鍾其秀攷之女史莫不適符是故王娥之生
也以蘭臺謝媠之生也以天姥以致峯之芙蓉石之
玉鏡溪之粉黛井之胭脂生其地者皆如其靈而名
媛間出焉何況挹仙岫之真萃青巒之秀如吾媠母
太孺人者又其卓卓著然者也母蓋產華蓋之名鄉
也按大江以右山著名者四而華則冠之其峯峻潔
如靜姝其氣幽淑如天妹其靈嗶咻扶恤致朝謁恃

百一傳不集 卷之十九
依堂下如衆人母故其秀氣所鍾每不得之丈夫而得之女子母毓秀而生若縹緲自瑤池來識者有玉皇侍女之目焉繼而續鸞膠於我嫺翁也然藜佐讀抹月紉紅案齊青玉之光香篆黃金之鼎雖天台異遇何以加茲母有名家子四其孟則我嫺翁故前配吳孺人所生也母愛之逾于已子以故未弱冠而成名而三令君又皆皇發岐嶷卓然仙種其視槐陰之作合不幾所養者更多其一而所生者復倍而三乎噫異矣吾聞鍾地氣之靈者得其貞而德名得其秀

而才名得其仙真清淑之氣而壽名如我嫺母太孺人者兼而有之宜乎撫九世之曾孫享百齡之遐考也奈何設四十有三之悅而竟歸白雲之鄉也歛歛痛哉 某 忝至戚又媿桃源之後而窈比于母之同宗景母之德企母之才而不能不傷母之壽爰以絮詞酌而奠之而更爲之唱曰華之柱矣蓋之軸風抹金兮雲繪玉不惜雙娥玳瑁梁逝將孤返乾坤屋兩蘇兩宋孰爲儔如此名家一網收遮莫馳黃仙鼎熱何須煉藥說浮邱

明允矣齊其芳正儀于焉踐其迹旣而遊壁水奮橋
門凡厥族黨翹瞻豫擬不移時而聲振周宣之石夫
孝萃乎精友洽乎神人飲其和天錫其珍夫何壽不
臻大衍名不出成均嗟嗟赤電歛忽青燐然而冥漠
難讎考稽可悟眼前之六文子上贊乾坤膝下之
三蘭孫並森寶樹理之所固然抑亦數之所畢副山
忝中表怒懷偏注勺水瓣香寫畏匪譽敢請世家故
劍懸而表之曰嗚呼延陵仲子表兄之墓

祭單嫺母

嗚呼我嫺母太夫人胡爲乎而遽証仙錄也耶以母
懿德徽音昭光黨族宜爾享百年列五鼎偕老含飴
受王母之介福夫如何一鶴飛來乘翩翩而登羣玉
無論知不知靡不咨嗟太息矧叨嫺姬稔聞壺德能
不悲哀而扶復維予仲子不才不類天假之緣得連
令淑固已酒食是宜抑亦柔嘉且肅覘大家之舉止
識女訓之精篤洎予漫浪北遊展曆圖者二十有一
幅中接安報僉稱孝睦詎知犬豚難親鳳鶩嘆寒舍

百一傳存集 卷之十九 三 樂餘園
之浸衰繫小兒之薄福前冬予歸嫺翁枉矚說親戚
之情話秉夜分之銀燭競道家常長歌當哭乃知母
三賢子久客滇甌淹留莫速則倚門倚閭不徒晨夕
之僕僕已也維夏四月母屆七齡孟季兩君自滇歸
仲君自甌越歸彩舞四行文子文孫分班晉祝曾幾
何時歌者在堂哀者在屋天胡不遺女宗是覆嗚呼
悲夫追惟母之相我嫺翁也處貴盛而知損經滄桑
而能益歌芟苒而調輯乎家人雖古之賢媛中疇能
媿其芳躅者哉先是蓮車惠臨寒谷旣見先荆親如

嫺妯笑謂荆年齒先一毅歲在下未予滿七旬爾正
展希齡之軸期相過從然而難卜孰知母也集列桂
以返真荆則痛收子而隨歿此山之流連涕泗而嘆
凶之不我鞠者也誄曰歲臘忽兮元曦浴兮下年初
殷何汨汨兮上天下天攜爾掌珠俾先荆而從後車
之屬兮蕪艸生芻狗世套而佈忠告兮听然珊然無
咄咄兮

文皇令蕪州主簿薛世英而許忠告令泐然麻然無
類何出時令上天丁天謝爾掌粒幹去饑而於餘事
以之不非隣者出精曰蕪州縣令元觀谷令丁半降
以夏其隄阻蔽郊于而訓返北山之流車轍斷而糞
吳帝猶之轉眼昨幾幾然而糞牛蟻吟母出巢依茲
賦賦笑隨隄平齒去一遠蕪亦丁未予謝士向爾五

祭家明經康民孺人

嗚呼春歸矣鶯老鵲啼花飛草肥雲黯黯兮雨鈴雷
殷殷兮電旂乃瞻原野氣蒸淚瀉沾醪醪兮清流索
榆錢兮白打帳天姥兮不回問靈官兮其來噫人孰
不卒兮何天時人事慘淡而低徊鳴惟太君含元繼
愷返仙崑兮溯桃源泛蓬萊兮由渤海白雲歷歷兮
窈不庸攀青城漠漠兮洞不須關遊紫虛碧落兮王
母天孫敘契濶於仙班載思眷屬如夢堆玉快好鳥
之偶聞恍奇雲之一鵬羌靈草兮在阿紛丹砂兮在

河曠長生而長樂兮又奚事有母之沉疴泛江干兮
靈羽展雙瞳兮姹女率飛渡而長明兮又何慮高堂
之險阻吸煙霞辟簋饜駕鳩鵲臥長虹不饑不崩兮
置授餐煉石於無庸遍西瑤誰無告注南斗誰長棹
爰清爰淨兮舉窈子僕夫而盡埽然而仰緱山兮堯
玄羨武夷兮開筵聚五世之曾孫操錦瑟兮朱絃矧
懿德兮乾坤籥徽音兮金石樂騰二方而起六位兮
步雲衢而啟天爵蒼蒼可呼昊昊可符人皆追慕其
塵跡某等獨探索乎玄都漪兮澗沚瑩兮生芻止天
下天兮鶴緝緝兮在隅

同會祭家兼子孺人

嗚呼歲云暮矣臘旣徂矣七日歌虞情文備矣諸天
薦度幽明通矣形依積雪逍遙杉柏之宮魂結寒冰
縹緲天泉之址徘徊顧慕夫焉有已然揆之太母之
徽柔宛然坤體動而敷榮靜而彫毀黑豈發而示危
機朱草生而徵祥祉亦匪神而匪明故無愠而無喜
矧夫生寄死歸胡寧沾沾乎是聞茹散齋皈依大士
苦難浮漚慈悲檄矢放大毫光盱衡大噫叶以無着
重瞳奚資三耳惟觀無在觀無不在觀無無在無無

不在舉大千什千一切得失存亡率本自在之靈乃
歸聽而逃視太母神契庶乎一指奚與村姬野嫗恣
貪嗔而邀福利者比哉是以將安而辭將順開百齡
而撫神俊之玄孫不得而殊不儉泣七袞而返嬰啼
之孝子某等道念未堅世情難委逝水茫茫莫知所
止爰進瓣香而作誄曰坤輿曠寓補陀空渡維西有
瑤維北有婺拔地凌迦亦亡是處太母淵渟明星白
露蜂集三年遊魂何怖夔冠六軍浮名何與因大本
空傷殘何怒萬象有幾安危何悟酒漿雜佩尋常家
數其生也天其卒也天其歸也天其招慈雲霈然

輓會姪西章

嗚呼西章泉路迷茫聞依大士若之何棄東土而遄
返西方耶跡其才清而逸真色流光胡爲乎終韋布
而身竟不韋耶豈謂東土之龔曠黃鐘啞啞瓦釜洋
洋耶抑謂西方之光明割恩離愛而知見皆香耶其
然耶其不然耶蓋自日出而世界見紫綬緼袍固截
然其約樂迨日入而黑緝隱牛衣鴈錦且渾化其低
昂由斯以談又奚論夫彭殤耶噫其權之自天耶庸
詎知天或不得而權也耶使死者有知行將安夜室

入慈闈牽衣細語嘿嘿乎天地之房耶又或冰天霜
月之下化鶴歸來望嚴君憶寡及孤放聲一嘆滿地
昏黃耶將無念引年之會不終俾我父諸伯父暨諸
兄弟相逢却顧異幽明而同盡傷耶緊我輩一心共
里憂樂相將乃尊在會中年最少孫有祖婦有姑式
燕式穀彌熾彌昌耶第恐大夢不回無人我相不幾
乎九品之青蓮夫何異數株之白楊耶已矣西章地
老天荒誰期我輩扶杖臨喪天耶人耶一滴九泉啜
其觴耶

終

樂餘園百一偶存集卷之二十

開支姪孫 嵩峻及較

宜黃鄒 山嶧傭氏著

姪 大麟玉書
文昇曉蒼全編
姪孫明倫敬五

賦

癸未秋九月予憇滕監憲靜思軒中側讀李雪木秣

荒記葛海門三瑞賦 一麥秀九岐二瓜生並不禁

神遊漢上恍目當日情事已而有言作賑荒召瑞

賦 并序

漢中古梁州地也三秦之戶四國之樞甲子乙丑
 間旱魃為虐於漢尤甚公時為太守匪朝匪夕如
 惓如焚在名臣以天下之饑由饑惟上穹必大德
 之瑞而瑞嘗聞其語矣球荒之策陳陳宛如之人
 今獻禎之紀落落不有灼見曷慰聞知予媿遠人
 世稱漫士借炊煮字季女常饑囑筆生花征夫無
 夢邇乃望長安于日下停孤棹于湖濱際遇烏臺
 嘯歌子夜顧憐鷄息惕仄寅朝洋洋東蠡之波沛
 膏鮒轍霍霍南州之榻雅拂芝山感恩知己之驚

心異笈奇編之飽目奚誇既往允快斯今讀李雪
 木球荒之篇美之不勝而簡括其美閱葛海門三
 瑞之賦言之不足故反覆長言念茲關內之子遺
 黎允賴漢中之賢太守歲必殺而公必生老者弱
 者病者羸者匍者僵者殍者歿者王者客者轉乾
 坤而竭父母之誠天吐寶而物吐華一之六之二
 之七之三之八之四之九之五之十之配洛書而
 協河圖之數斯賑荒誠五十萬人之全活而召瑞
 在二十一史之無傳者也敬筆抄而襲珍流光北

道爰效顰而忘醜取笑西家也云爾賦曰
夫秋蚤之可聆兮嫋細音之高下秋雨之可冥兮滴
空階之低亞倚官閣之亭亭兮醉奇書于鄴架披時
賢之殺青兮羌我神而遯野作言詎兩京兮端亦良
史之穉稷邇乃蝶周栩栩風列飄飄翼我兮華山之
麓巖我兮棧閣之橋招隱兮終南之侶扣舷兮漢上
之舸俄火雲兮燔炙宛赤日兮烙炮恍春河解兮冰
裂若咸陽焚兮土焦因之神恹惚兮遙飛目恹醜兮
萬狀或伏息兮林間或匍匐兮道上或保抱兮兒女

悲或僵仆兮鳥鳶壯骸積邱陵兮嶙峋懸列傀儡兮
惆悵或雜毒鳩于稻梁兮視死如歸曰一飽焉耳夫
復何求或割骨月而葛藟兮釋啼而笑曰爾生矣乎
吾將偶望何大塊之不仁兮震此鞠凶哀鄭公之不
再兮惠爾羣蒙轉金錢如飛葉兮曾不能救其一同
豈天道之悽悽兮繫人事之終窮俄焉有道東來單
車熠熠儼活佛乎洪慈度衆生兮浩劫憶慘淡兮九
折坂之經營顧指揮兮八陣圖之砌參鑿而米兮稠
而糜建而蓬兮平而磔列鴈翅兮參差序魚貫兮蹠

百一 仙存集 卷之三
躒喂一飽兮起須臾飶萬戶兮開齒頰覆骨骼兮日
千車生遺嬰兮時十葉布藥餌兮杏林鞭疫癘兮桃
笑天意回兮泰和鬼嚶嚶兮民愜予時愀然而悲灑
然而奇零靈雨兮秦棧望美人兮漢滑窈鹿車兮洩
洩渡龍江兮漪漪萬香夾兮星寒一鶴鳴兮天低洎
乎隴浪牽雲薰風夾雨瞻甫田兮綠濃卜麥秋兮黃
庶何高下之芘芘兮信幽人之勞苦忽主伯之驚傳
兮紛士女之張周詫疊錦之連阡兮簇連珠而含榴
儼雞冠之磊花兮皇覽蓮齒之鬚抽聚四六五七而

貫一兮若九苞之奇搜爰達制府而入告兮豈兩岐
之方尤須臾浪沸西園雲流南圃乃翻異兮甘瓜竟
爭奇兮麥穗偶兮連理之枝參兮鼎彝之距方兮几
足之初懸中兮龍爪之遐舉蠹兮佛手之南柑垂兮
琴軫之靜注伊昔明高之有徵紀史書而播海宇倏
秋高兮九月際香稻兮三登竭黃菽兮四野紛紫穗
兮七莖布參差兮鳳釵之緒宛結束兮龍節之纓較
瓜實兮貫蚌珠于玉管比麥岐兮合雉尾于銀瓶予
時肅然以欽竦然而訝何環秦兮比戶而游鞠凶斯

漢中兮一歲而三異駕信明德之馨香致參天而位
化拍掌兮飛豪越神兮止舍起視兮靜思軒中試聽
兮蕭疎竹下豈斯文兮爲我御風緊異政兮驂尋野
馬敢不肅百拜而書丹是用調四聲而賦寫

曲山園賦

附護儒庵

羗玄默之秉節歛丹鳥而環緼須及時以行樂嗟聿
暮而生憎戒籃輿於僕子訪竹垞於君陵山腰結霧
水面浮冰仰懸橘兮綠千顆俛落葉兮紅幾層石齧
關圍九天門之虎豹雲空峯見六月息之鷗鵬話深
情於契戚締嘉會於高朋爰信爰宿載寢載興拉肩
摟腋策杖拔藤于以曠觀徇焉大冶陟絕巘而神欲
飛捫長空而手將把形可固畱意能傾寫遠低麻姑
從姑之壇近振碧玄紫玄之瓦引彩鳳兮鳴於岡驅

青獅兮塞其間對面芙蓉懸人鏡而舞青鸞貼身南
華拂塵埃而鞭野馬襟標石筍羅渭川千畝於胸中
帶縮文峯燦閬苑九蓮於筆下低徊在昔無得踰焉
點綴當前識其大者經芳躅之品題長山靈之聲價
百世之風一日之雅邇乃盱衡形勢摹寫神奇潛如
沫跳奔若波馳沂游賜谷靡迤明離旣立趾乎朔易
復孱顏乎東維汗儼鷓鷯之汨水巔峩恍鴻鴻之
浮漪太白長懸搖拽瀑匡廬之布空青乍捲悠揚披
傳室之帷壇址猶存九轉仙人之跡嵐光欲滴幾行

太乙之藜爲汝爲潮海浮蓬閬亦星亦宿河映峩嶠
卓爾識平山以曲表大哉居也園以山空乃繚其曲
乃往而復乃瞻其堂乃寓其屋不丹不雘不花不木
三徑紫苔數竿青竹攬雲錦之千章垂水綃之六幅
磊落而石皆鷹閒遊而星盡鹿砌玉霞輝含珠霜鏃
春柳夏蓮冬梅秋菊周遭嘯籟入耳而賞心大塊文
章撐腸而拄腹信劉慧斐之離垢園乃司空圖之王
官谷闢數椽而萬間收栽半畝而層巒伏取之無禁
用之不宿雖造物之無盡藏抑乃翁之有杼柚載瞻

百一傳在集 卷之二十一 樂餘
淨土暫徙山房密密鸞音諧九成之金玉霏霏龍步
表數仞之宮墻鳧繹參天引鷲嶺於西域杏壇覆地
廡柏樹於上方無住發川流之化不二傳一貫之方
因其階而升何往非正得其門而入詎敢云旁謁來
德士坐息雲堂着相非修何緣木佛卽心可印奚取
玄裝臨濟承宗監指映千江之星月君陵卓錫點頭
齊萬石之玳瑁近遡黃山廣什力之衣鉢遠追白社
續三笑於柴桑何護不神閑情在杵柄竿頭之外惟
儒希聖定性在愛河慾海之場隨地莊嚴奚憂地老

任大結構不慮天荒協四聲而賦就復永言而歌颺

歌曰貞元爆天地毓兩儀輝有萬象森出流者成川

樓臺閣雲雲鉤連簾幕注星星糾纏千騎雷轟電掣
鞭萬鏹沙擁泥堆錢東垣翬飛西垣潺南山鴉巢北
園曠園成主人倦於蜨日來遊子聚若羶一花石去
枉哀憐半山墩在空推遷誰其瘳者笑平泉莫或助
之怪米顛不見綠野紺宮捐何如曲山護儒便昔疲
大力今任天神發巨靈人中權室或欹斜堂塌穿朝
戒埽除夕新鮮銅雀一瓦金十千松鬣環楠堅百年

違泰從儉作恭先命名顧義邁高賢山暉無那夕陽
 懸仲春不分豎米漩園有天鷄鳴窗前菴有神龍護
 鉢邊三個鼻孔氣周圓幾屈牙腔歌媿仙
 跡莫測半山漁釣空琳瑯
 園則園風主人於此馳日來
 新臺閣
 煇曰笑於柴桑何護不神
 大謔
 不
 天
 荒
 蔚
 四
 輦
 而
 翅
 鯨
 豈
 永
 言
 而
 煇
 與

搔首問

蓋聞貞元爆天地毓兩儀揮布萬象森出流者成川
 峙者積岳飛者高騰遊者深躍甲拆者春向榮化生
 者秋咏樂彼孽爾之無知咸亭亭而噩噩其於人也
 清者為賢濁者為愚彼都人士而佩璠璣彼其之子
 而效馳驅是故或以耕釣為帝者師或以緹媵為伯
 者資或長嘯乎梁父或鳴劍而伊吾或羈旅於新豐
 或旬食于東吳皆能開勳地宅闢運天衢至若吾師
 孔孟車跡寰中門弟能識其道卿相猶挹其風越厥

身後積久彌隆儼乎列帝王之軒冕沛乎與天地共
始終遠溯洪鈞近稽人物諒無美而不揚信有芳而
必馥羌穉胎而有瞳詎被蒼而損目人自昔而匪今
何濁升而清屈或歸造化之掀翻翳乃斯文之淪沒
畧言世變赭哉緬旋維鳩拙婦珠簾厭捲閒閒季女
菲簷艱剪人亦有言不戚戚于貧賤悠悠糞壤乃聚
窮窿湜湜新沚不滙朝宗人亦有言誰知鳥之雌雄
昔也衆犬尙吠所恠迄今無然擯之爲敗昔也羣鷄
爭忌其鶴迄今無然羞與之啄笑夷齊之矯枉兮慕

躋跖之長伸嗚信國之沽名兮謂可道之能臣嫉長
孺之悻直兮放蘇且之殷勤鄙仲尼其徒聖兮羨方
兄以超神是以文山學海品玉行瑤時方言曰書猷
衆側目兮人妖世有幽人渺聞難測臃腫而予玄亦
無白顛告蒼蒼請陳一得稽余皇祖肇自高辛司徒

之後發祥有殷式微至宋逋亡自魯食鄒爲氏分孔

之譜恭惟顯考

先君子諱用白字又李著蓮石山人集二十卷

道德爲光衛

官班馬臧獲老莊門列當時之驛坐傾文舉之觴憂
心天步周原蕪莠欲着晨鞭以靖羣醜幸

興朝之聿新遂高易趣之上九洎乎作噩紀年黃鍾
建月余生不辰適丁其節備五德而奮難飛際一陽
而寒猶冽初居懷抱駘然孩笑莫可疑似君子曰而
自而三歲日記百字迨至九齡七經紛披春秋曲禮
尚俟其知十一學文章十五步詞賦墨漬詩騷朱研
子史紛吾之有此衆美常過庭而色喜愛爲余更其
名曰山而字之曰少水意仁知之可全而嶽降逢源
之蔚起迨乎弱冠鍾爐決漢才悞我以疎狂筆強余
而述撰爰追魏晉之風流躡司馬山川之浪漫兒輩

陸雲間妮子賈長沙氣欲撼風雨而無志雲霞是以
兩間相軋五窮見追宰遇沙兮身屢躓幸得謗兮名
弗隨猶然放曠兮水之涯悵眺兮山之谷狂呼兮酒
韻蕭蕭長歌兮詩情匆匆親朋疎兮麋鹿羣環堵空
兮乾坤屋尙乃不練山川棹行南志擬登鳳臺太白
還生卜遊烏衣東山不死孰意顧不才兮行路嗚之
渺足音兮榆鬼非之歷八十四朔而沉淪兮誰者知
之若夫花破朱顏山描青黛繡發長干之圃翠拾雨
花之界儂嬉嬉兮興逐春回余遲遲兮泪添江溘泊

平風高木古雲淨
河流野猿西渡孤
鴈東遊一聲破
寂滿壁皆秋腸
九回而誰續
魂一往而難留
至若賓朋錯集
兕觥交陳
歌伶奏雪彩女披雲
強破顏以式讌
縱解笑而非真
又如曉霞射席
暮雨侵蘿
點周易兮問消息
讀漢書兮諱坎軻
紛萬卷兮離騷賦
試展吟兮長恨歌
已焉哉
客路艱難誰相告
語炎日水宵祇堪自誤
况乎大風起兮
茆屋徹故園
烽火兮五十月望
羊山兮玉焚岡
溯獅水兮波蕩
血痛邱壠兮焦土
憶手足兮葛藟
悵孤幃兮宿空山
嘆雙雛兮啼月

殘聞鶴唳兮甫息
幸潢潦兮將清
阿咸南至責余忘
情病家山而勿藥
醉南國而難醒
嗚呼歸歟
予將疇歸其恨
伊何天知地知
長鋏彈兮嘆田文
之不作登樓賦
兮盼曹植以何期
陟彼鷲鳥尙集於
天峴彼樗材亦壽
其年蘭有幽兮菊
有芳何之子兮名
渺茫麟之遊兮草
渥丹珠之來兮水
清瀾何之子兮客
無顏鴈傷春兮旋
北蒼燕悲秋兮返
南湘何之子兮賦
無良洵道德之未
幾兮彼其亦裘馬
而輕肥果福慧之
難兼兮伊人亦遐
舉而高飛身窅水
渠之竇各隨穢

娘之口嗟漆園吏之涸轍遊類太史公之牛馬走脫
 非天地之不仁奚至使余而芻狗哀號未究卑聽濛
 濛忽見巨鱗靜伏池中泥污桎梏若大為容倏爾雲
 章俄而電幟天地晦冥焦尾而逝余怵然以恐俏然
 以悲年將甲半聞道何遲亂曰鱗之靜兮見天心鱗
 之貞兮拓天襟不愛湖海兮事浪遊恥與鱗鱗兮眾
 相儔余何人兮猖狂洩英華兮本傷尤人者骨骨兮
 怨天者殃冀自今其滌愆兮默默守吾之玄兮毋慕
 鴻鵠而騰飛兮毋同野鷺而爭棲兮倘雲雨而無知兮余亦俟命以安之

七歌 有序

且過生逍遙廣洞之濱寤寤太虛之角沼海盆松
 奴蛟婢鸞擊籟開笙奉潮箝樂攀弓月以賓閑發
 箭風而獵較紛獨擅兮雅修杳何知兮塵濁一旦
 辭圓嶠謝方山劫灰墜牖怪礫圍關黯雲帳兮寥
 穴淋雨鈴兮闌珊采揭車而自賞摩碧落以長嘆
 乃有泥滑子過而問之曰生憊矣何神睢睢而目
 盱盱也吾聞皜皜者滅曉曉者絕電火焰而難炊
 氷柱潔而易折在昔鮑焦空貞苦節亦曰闌陵徒

丹蠹軼荃沉湘水之波鵬慟星沙之血史傳牢騷
玄書既隄傷太和兮天地災怒山鬼兮螿蟲齧夫
鶴矯翅而嘹唳鳧逐波以去來芙蓉艷兮善嫁蘭
蒞秀兮無媒今生何至荼其守棘其官醒栩栩周
之夢神飄禦寇之風黃河清兮擬笑白石峻兮誰
同不幾爲愁兵所跼躄被鬱壘以牢籠者哉吾請
與生長然兮不夜天之燈永酣兮莫愁界之酒近
盟白社之壇遠締松喬之偶想當然兮將母同得
士未曾兮莫須有生其肯墮城退旅與我上下而蹶

走之乎生曰蘭蕙在山幽可沃也鸚鵡鳴林趣勿
告也移之于本則俗置之于筴則歌花鳥何愁而
聲色若與之隣者允矣天機之信屈余何措於神
黷於目不我賈愁而勞子之金玉雖然維水澌澌
維海之宜言之孔臧德音是期言之不臧空復爾
懸河爲泥滑子遂振其冠正其襟偃僂聲咳而言

鳴呼麗都大塊情區虹媽妍兮索偶月嫵媚兮傷孤
草相思兮帶恨鷓比翼兮多娛何況名士鍾情才人

稔色琴斷宜家涎垂傾國吾臆雪兒拈線雲母聯裳
 紗授浣溪之雪杵投藍水之霜繁弱張兮中雀焦尾
 搯兮來凰若其衆妙紅堆羣尤翠紇櫻口生風柳肢
 擺月髮閉菱花步輕香屑於是列方丈之會宴傾百
 斗之融尊歌雲搖魄簫玉吹魂燕夸猶兮舞屏風而
 欲墜環窈窕兮着霓羽以生溫於是歌臺下陽臺間
 陟蟾梯聯鴛瓦倪裊衾薰缸缸粧灑宛醉暈兮海棠
 嬌抱紅玉兮醪縈赭枕珊珊兮釵橫氣魚魚兮力雅
 生於斯時其將高臥溫柔鄉長結風流社乎生曰耳

聾聾歟目矇矇歟誰是情鍾而適為容乃按拍而歌
 之一歌曰

宛有人兮山之陽矯孤桐兮柱大荒目送朝雲兮耳
 謝神鵝王孫留兮草何黃王孫歸兮草何芳媵余修
 兮明月光誰妻幽梅兮亦穉狂客曰
 魯有展禽不亂其真楚有宋玉不許其隣羌庸忘情
 於濁色能無悼志乎清貧或告哀五窮或慟悲古廟
 或鶉結兮犬歎或蠅謀兮鬼笑石巉巉兮客途難風
 蕭蕭兮遊士落托而
 各臆銅鑿通山金鋪崇谷

樂餘園 卷之二十一 樂餘園

一傳存集 卷之二十一 十四
砌楚珩兮臺階彈隋珠兮林箴邇乃計陶陸會倚白
舟平犀然大真兮海傾心其貢錯鞭執祖龍兮山頰
首以輸珍于是情厭華藏志窮島始沒參蝦囉脛自
瓜哇朝霞大火翼來真臘驟超影于天方衣兜羅於
葛刺池浮鸚鵡之魚樹秀珊瑚之苗懸猫睛兮明月
昏焚鷄舌兮香風翼生於斯時其亦醉骨董於樓辰
眈陸離於觀甲者平生曰象齒其焚雀尾其旣陟彼
素封誰敢與羣乃載歌曰
宛有人兮水之陰泥蛟啞啞天籟啞啞縠波紋以爲衣

兮紡繡浪以爲衾可憐滄海兮几青林可憐塵土兮
几黃金羌予何纍纍兮造化何心誰慕巧貧兮亦世
鳩客曰

貪夫狗賄惟厲之亥烈士狗名誰佐之媒是故璞隱
荆山馬幽冀室洞簫吹兮莫我知扣角歌兮爲誰悉
霜將馮子之頭花老江生之筆倘可借梯乎青雲當
亦弄嬌兮白日吾臆勝遷牛口賦賞狗監灑掃賢侯
之篋鬱輪貴主之衫於是北海騰聲南山紀姓帑紗
三都綵傳七聘主款洽兮平津客恢諧兮曼倩因而

離蔬設鼎釋躡乘雲粥鴛幃兮誇侍女拔鸞刀兮逢
細君學著作兮承明之殿羨跋蹠兮金馬之羣泊而
鶴擎飄風鷄譚宿雨跨白鳳而雙之渺青蓮而一伴
校經緒兮石閣騰聲望兮龍門諸生唾收玄屑弄客
哀乞黃昏生於斯時其亦裹羶車而遊徑曲羅山斗
以豎名尊者平生曰水歟山歟馬亦瘖且雲歟狗歟
竇亦迷且乃三歌曰

宛有人兮石之崆喬撐碧落觸祝融頂不可捲兮腰
不可弓山倏霽兮蛟龍濛濛海倏平兮豺虎冲冲余

謝紅顏兮誰適爲容歌未旣客遂矍然動蹶然起曰
夫籛篠疾施俛仰以邀榮者卑田之僕也喔咿嚅唥
假面目以干名者青樓之蓄也螢附星以爲明兮欺
河日之在腹也蛙附筓以爲聲兮謂龍耳之非肉也
故諧夫嫵士索能盡智候門戶兮犬司支更漏兮鴈
吏紛何益兮身名羌難通兮佞惟夫抱撲草廬結
幽蘭社鬼神泣兮詩成春雪歌兮和寡吾臆退之展
鑑永叔懸珠採名園之桃李布鐵網于珊瑚鵬扶搖
兮天小蛟天矯兮雲幙暨而玉筍牽蘿金華驟轄忘

童弋之一獲信繁兮之七扎卷朱墨兮繽紛梨房行
兮軋苗蠅營坊買之金蠹穿宿儒之鬻都休乎天道
明文運靈研拋桑子志展王生穉士仰干乎雲漢薄
士悔罪于車軒此固古今之所欣慕生其猶有違情
者乎生曰有棘者材匠之收矣零葉不知春云誰尤
矣復轉拍以歌四歌曰

學織屢兮拾草積壽無百日兮十載營而履不考詳
兮競簣壘衣冠蟻市兮疇豎壇壝文字蚿苗兮阿續
裘箕吁嗟儂得意兮世大怪而嘔之客曰

咄咄嗟歟嗚嗚渺矣自昔冬烘匪今糟粕假鳳悅楚
以描生真龍驚葉而蹶死遐遺杜甫之科削落劉蕡
之耻是以文中罷策於金門老泉遜修乎下里宛月
露之充庭兮不崇朝而逝已翳山霧之滄茫兮亘長
天而萃只意者生其窮裁書帶慧織靈雯者乎則踢
翻儀象搥破正墳幽摛汲冢奇問遺文電掃異同之
宿霧戈迴河洛之微燠雖珠風玉雅之難賞詎千秋
百世後仍汨汨乎子雲或者獵跡名都羅奇勝境木
開靈運之山浪溯志和之艦尋帝子于瀟湘弔幽人

於箕穎浮乾坤今日夜觀滄海兮樓臺探瓢團兮唐
球無韻索奚囊兮長吉非才又何羨乎兼文章於司
馬媿述作於蘭陔生曰莫迷匪心具曰欺天莫險匪
山具曰臨淵復催拍以歌五歌曰

黯白日之無明兮謂石火其垂晴溯川流之難行兮
謂海若其多情千秋萬里兮耳目之評吁嗟今古嫉
名兮誰飼鷓鷯客於是憮然曰噫余知之矣

靈化之不可抽兮膺顯忌乎蒼蒼美名之不可盜兮
種隱禍於茫茫嘔什伯春之心血兮博覆乎臧獲屢

市之鎔缸邇乃洞主無靈陽侯不穀步世道之浮沉
具氷炎之面目遠招俗士之車堅阻幽人之轂此清
遠之士所以絕筆迴轅寧投身於空谷意者生其寤
處軸邁衣寄薜蘿者乎則梅妻鶴子巢唱由和青霞
着草立雨加荷犁麋鹿兮雲耕接烏兔兮朋過籟送
孫生之嘯溪吟陸子之歌紀春秋於桃桂委理亂於
烟波若乃欹枕羲窓臥遊禹宙鞭策王良騎驅天廐
屢登南斗之臺杖掛北辰之岫發扶桑兮崇朝旋濛
汜兮亭晝風謾謾兮雲霎霎顧周行兮路不迷有美

人兮神相栖高風可企兮生也提提生曰飛胡爲乎
嘉賓走胡爲乎比隣斯世未我讐予寧卜遯乎山邱
復促拍以歌六歌曰

終南有條兮北山有枚無然爾踐兮亦孔之哀歌將
闕客復起而言曰有是哉生之矯也夫杜宇不啼秋
促織不鳴春偶乎機也蜉蝣不以暮而斂其華菌蕈
不以日而削其實達乎時也何況注鍾萬靈情標二
雅宜幟爭冠帶之倫袖領風流之社或結想乎雕龍
或盱衡乎墊馬毓志於中循聲以寫今生舉人世之

欣嗜俊傑之因時賢聖之修名幽潛之托跡皆鄙夸
之而不願屏置之無然意者其鑿虛于僊逃空於禪
者乎則訪赤松於雲穴從拾得于寒山呂嵒指余以
洞灶丹霞授我之蒲餐過天台而蘭香牽袖坐祇樹
則靈照畱顏一口吸乾弱水空拳搥破蓬關生將浩
浩乎紅塵不碍長睥睨兮古今上下之間生曰僊鷲
鷲耶佛蝶蛸耶我也人斯寧委質乎么么拍急已而

七歌曰

擊壤歌兮 帝道光胡逃儒兮雲水鄉歌既終亂曰

濁不可留兮清不可求何辭何去兮惟素之修意或
滯兮我亦爲仇雖江風山月兮貪取之詎不招尤余
有待兮天之休余無心兮物之涸君不見草木華春
零落秋縱欲圖之復焉求歌畢客載誦其歌乃唯唯
而退

旅文長子 有小序

心君也文屬心之所發有嗣義焉故曰長子古者
長子必帥師凡蝸牛爭長長子卽握三寸于帥陶
泓松處士楮將軍決勝運籌大戰於文河之野凡
盜名竊姓者悉擒馘之毋使異類實逼處此今者
聖國偃武矣大長子困於愁城乃欲附一旅酣角
於棘圍魚陣中亦憂憂菽有豈真不世武哉抑亦
李將軍數之奇也爰作文以旅之文曰
惟年月日且過先生謹以玉鳳一綵花五致旅於大

文君長子之前而言曰於戲是耶非耶紫霧之花遠
耶近耶赤海之霞飄飄逕耶脩脩韻耶翳雲璈之帝
曲月洞之仙家爾其爲質也非霧非烟中涵太清非
玄非白內蘊黃庭骨樸軒轅之鼎天真河洛之精其
發之思也靈錐四極芥子乾坤慧鑿九嶷礫爾邱墳
皓皓天極之表淵淵泉始之津其布之形也鼓海曠
兮水淙淙嘯蕪門兮木葉降不衫不履兮太古之衣
裳何以望兮明月光何以擬兮行雲流水之蒼茫至
若雙炬呈輝羞烏閉兔劍逼兮斗寒犀射兮蛟懼騰

玄瞳之無極兮卑彼蒼之七尺也擴銀海之無邊兮
渺滄溟之勺液也又如唾成楚玉聲擲吳金口真繡
結舌長蓮陰咳震風雷之厲涎添河漢之涔使爾而
明星在天兮則當駕長吉之肩使爾而明珠在泉兮
則當班卜子之筵使蒼頡大撓與爾同生兮則鬼哭
龍蛇之字神悲龜馬之精使名山大川與爾同盟兮
則鳳吐太玄之傳牛喘道德之經爾胡爲乎上不在
天下不在淵中不托靈于亭毒與與封禪兮七十二
代之簡編而乃依余之不類若偕乎枯木瘦石以周

旋爾蕙想魂爾梅想骨莖不爭上苑之花偏暎瞳幽
寒之飀爾態摹風爾幻摹雲焰不干青霄之氣空緒
成黃絹之文爾之表也璠且璵爾之姿也雅而魚樹
不賦臨風于洗馬行獨嘆惟賴于三閭爾乃目乾坤
兮五鰲裂口古今兮九河決何以悵前修兮墨其途
咄哉語世事兮荆而舌凡此顛之倒之繫余懷之懣
也昧昧展思之抑或子之寸短也爾之挹其清者五
而濁焉不及者三爾既不慧爲爾前叅曰若風會流
尚五色夏立旣謝周赤非得如彼太青鰲然拊扞所

尚伊何黃白是式爾不能事金谷于崇園役銅山于
通國此其所短者一也上稽經曲僂躬頽首董項偏
狂陶腰致咎道半蛇行堂高竇狗爾不能獻相國之
珠寇擁侯門之篲帚此其所短者二也至哉文運花
樣時遷八家疹氣念史陳編說說黃口遠過楊玄爾
不能掬風雲于兩袖擎月露以雙拳此其所短者三
也羣方趨濁爾挹其清不肖方儼空踐爾形爾宜晚
踪尸子之廬夔屈愚公之谷詹里兮亡何有之鄉居
停兮子虛生之屋胡爲兮有猥爾禺有馬爾鷹爾思

一矣七載拘吳不省厥愆復竄幽都弔金臺兮白草
問駿骨兮黃塵蕙有芬兮菊有芳望美人兮水之濱
秋風辭兮同雲霏風穴鬪兮天欲澄視黃葉兮遠者
冠拾紅葉兮太古衣詩腸斷兮覓鸞膠靈臺迷兮借
指南沙凝霰兮白日碧點繡兮青衫詩書怨余兮契
濶風雨笑余兮儘儂斜陽暮兮蒼且黃北道難兮郎
也當歸歟歸歟嗟菊逕兮未掃已而已而望雲深兮
故鄉請與子約襲素惟宜天根剪葉月窟殿輝守雌
雌而入抄無嚮笑而猩啼誅曰研畫表兮六花殘筆
飲河兮綠沉寒築詩城兮固吾圉脾睨詞將兮孰登
壇高奏繞歌兮萬卷間誅畢文長子免鳥而謝再揖
而升悔睚睚于血氣省汲汲以功名扣簇焚戈願靜
持夫子之黃庭

卷之二十終

